

Angolar: Bible for Matthew

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matthew

1 ¹Livu ri lasa ri Jezu Kistu, na ri Davi, na ri Ablon. ²Ablon zi Izaki ,Izaki , zi Jako, Jako zi Jura naamo ane re. ³So Jura zi Tama zi Pere so zi Zera, so Perezi , so Esrom zi Aron.⁴Sô Arôn zi Aminadabi; sô Aminadabi zi Naasson; so Naasson; so Naasson zi Salmom. ⁵So Salomô zi Rabe ra Boaz; sô Boaz zi ra Rute ra Obedi; sô Obedi ra Jesse. ⁶Sô Jesse zi ale Davi; sô Davi zi Salomô ku mengai ixi ku tava ku Uria.⁷So Salomo zi Roboão; sô Roboão zi Abias; sô Abias zi Asa. ⁸Sô Asa zi Josafa; sô Josafa zi Joroao; sô Jorao zi Uzias.⁹Sô Uzia zi Jotão; sô Jotão zi Akaz; sô Akaz zi Izekia. ¹⁰Sô Izekia zi Manasses; sô Manasses zi Amom; sô Amom zi Josias. ¹¹Sô Josias zi Jekonias, sô ane naamo re ni tempu kavu babilôniko. ¹²So depozi ri kavu babiloniko Jekonias zi Salatieli; so Salatieli zi Zorobabeli. ¹³Zo Zorobabeli zi Abiude; zo Abiudezi Eliakim; so Eliakimzi Azor. ¹⁴Zo Azor zi Sadoki; so Sadoki zi Akim; so Akim zi Eliude. ¹⁵Zo Eliude zi Eliazar, so Eliazar zi Matã, so Matã zi Jako. ¹⁶Zo Jako zi Zoze, ixi ome Maia, ixi ku nase Jizu, Samaru Kistu. ¹⁷Ra moru ma turu ane lasã gina Ablon ate Davi kuin kuana lasa; so gina Davi ate kavu babiloniko kuin kuana lasã; so gina kavu babiloniko ate Kistu kuin kuana lasã¹⁸Zo naximetu ri Jizu Kistu sa xi: tava main rê Maia pa kasa ku Zoze, antiji pa ane sa zuntaru ê foi beru ku beba Supitu Santu. ¹⁹Antô Zuze, ome rê, ku sa zustu, na ta meseê fa whangé wa, pensa di dêsê kondêru.²⁰So ê, ta ka pensa kua é, Zo ma wha anzudi Sun so plase ni sonho, to fa: Zozé, na ri Davi, na mendu tua Maia, mengai ô wha, punda kua ma é sa kue sa di Supitu Santu. ²¹So ê ka ba pari wha mosô, só bô ka sama nomi rê Jizu, punda ê ka sava povo rê ni pekaru ane.²²So turu kuê ka dá pà sa kumpiru kua ku foi faru ra Sunni katxi ane pofeta, ma fa: ²³Zo ma wha vizi ka te bega, ka pari wha moso, so ma ka sama nomi re Emanueli, ma ka lè: Dêsu sa ku non.²⁴Zo ma Zoze kora sonho, zi mora anzu di Sum ta mandé, so ê tua mengai rê. ²⁵Ê na dume kue pê konsewha, ate ria ma neê pari wha mosô, so ê pê nome Jizu.

2 ¹Ala ma Jisu ta nansê ni Belem de Judeia ni tempo Alê Herode, E ni seberô de oriente de Jeruzalem, ²Fa: Andji ku Alê ku nansê de zudê sa né? Punda non bê estrela rê ni oriente, non bi gôgô kuê. ³Ala ma alê Herode ndê kuê ê tapaia, ku ane jeruzalem.⁴Herode zunta ane sacerdote ku mese ku povo: Punta nga ma kisto ka ba nansê né. ⁵Sô ane fa: Ni Belem de judeia, punda ê sa screveru ni profeta: ⁶E bô Belem, tia de zuda, sê sa chonoro ni ome de poson de zuda, punda sê kabi ta nguê ni katxi sê ni Israel.⁷Sô Erode, sama ane mago sê pa newã nguê ta, puté fa kuê ni ola ma tstlela plasê. Ane ba Belem, Fa: Bé gôlô ku kuidado mosu xi ku nansê. Ala ma sê ka bê bêkuê da un pa ngôgô kuê.⁸Má ané dé kua rei, estrela ixi má se bé ni oriente abe ate nga ma ina sa pé. ⁹Olá má ané be estrela, ani tinha kua ku gosto.¹¹Ane letxa kai, ané bé ajuro é ku maior mamá re, ane kúku na gogó kuê ,ané bire tesouro ató de kua plezente oló, senso e minna . ¹²Deso lobua ni sonho pá na junto henodia wa ane bé nitia ane n oto moxa. ¹³Ane tobe, unwã anjo sumó plase nizozé nisonho fam lata, fé mosso é kú mamané, bebé ni Egitto. wanonha ate nja fam herode sângolo nosso é pé kabakue. ¹⁴Dia é me,jose lata, tua nossoé kú mamaré bekue ni egito. ¹⁵Ané janha até noche da herode. kuê māmá sumo fām n ome profeta. ni egito é sa ina rá. ¹⁶Antô Herode, ala mê pia ma ane seberô ta ka ngnê, ê tua leva. Ê manda mata turu na pikina belem de dosu anu, ane ixi, ni tempo mê ta puntaru ane magu. ¹⁷Anto turu kua ma pofeta Jeremia fa kumpli loké, ku fa: ¹⁸wã fa ma ndê ni Rama, suá fogaua; Rakel suá da ná rê, nêwã na jie ka boka wa, punda ane na tô sen wa. ¹⁹Ala ma Herode muê, wã anzu Desu fa ku Zon ni sonhu,: ²⁰Lata tua anzu é ku mama rê ba Israeli, punda nguê ta ka ngôlô motxi ná é muê bêrê za. ²¹Sô é lata tuá mosu é ku mama rê bi tía Israeli. ²²Sô sô sô ala ma é ndê ma Arkêlêu ta ka léna ni Judeia, ni ligué tata rê Herode, é ta tê mendu de banha; ma Dêsu ta fé ni sonhu é ba galileia, ²³Ê ba vevia ni wã region Nazaré. Kumpli kua ma profeta ta faru, mê ka ba sa samaru Nazarênu.

3 ¹Ni ane riaê, ta plase Zon Batista ka pega ni nga kutaru ri Zureia, ka fa: " ²Lependê sê, punda Lenu Osé sà pétu". ³Punda ixi é sà nkeni ma ku pofeta Isaia ta ta fa: "So vozi sê ka ngta ni nga kutaru: 'Pepara mondja ra Sum, zi fimi ane mondja Rê'".⁴Zon ta ka bisi peli kamelu, so whã sintu manharu katxi rê, so mé rê foi satasata ku mèle sivesti. ⁵Antô Zerusalem, ku turu Zureia ku turu kiba ôyô Zurdon pa lelê. ⁶Ane ba butza ku Zon ni ôyô Zurdon , ka kofesa pekaru ané.⁷Ola ma é bê yô ane fariseu ku ane saduseu, bi lélê pa ane butiza, é fa an è: lasã kiôngô, ngei manda sê ngoló fuzi di leva ku sê ka kabi? ⁸Ka zi kua kubuá ra lependimentu. ⁹Na ka pensa ni fa ni katxi sé: Non tê Ablon mora tata non. Punda nga fa sê ma Dêsu ka poi zi na ra Ablon ate mesmo ku ane buru sie.¹⁰Zo masaru sa pêru ni lezi pó za. Turu pò ku na ka ra mê buaru wha é ka sa kotaru lansaru ni fogô. ¹¹Nga butiza se ku aua ra lependidimentu, mazi Nge ku ka bi Zo aun sa maxi poderosu doke aun so aun na sa buaru ri kega sandalha Rê wha. Ê ka butiza se ku Supitu Santu sô ku fogô. ¹²So apa sa ni mon Rê pa dipa turu iku Rê so pa zunta tigu ni amazem Rê , mazi é ka kema paia ku fogô ku na ka poi sa pagaru wha". ¹³So Jizu bi fo Galileia ra ôyô Zurdon pa sa butizaru ni Zon, ¹⁴ku turu mora Zon tenta pê nja, so fa:" Pan um sa butizaro ra Ô, sô Bô ka bi ra um?" ¹⁵Jizu kudjiê sô fa ré:" Zi kuê aiê, punda é sa buaru ra non kumpi turu ane zustisa". Antô Zon zi-Ê. ¹⁶So ola é butiza, Jizu siê djandja ni aua sô má osé foi biriru diba Rê, so bê Supitu Dêsu ka dêsê mora wha pombo ndja diba Rê. So wha vozi bi fô osé fá:" ¹⁷Yê sa Mosu Um amaru. Dê nga gôgô ku Rê fogawha."

4 ¹Sô Supitu bé ku Jizu wanga sê netxu ku ané só demonó povégué. ²Olá é ta jisun ria kuarenta nsu ku é sintxi fomi. ³Demonó bi só faré. Si bô sa na Dêsu mandá buru é bila npón. ⁴Magi Jizu, kundji, faré Ê sá sisi kuaru; má na sá di npón só ka viviá homé wa magi di turu lumba ku ka siê boka Dêsu.⁵Sô demonó bi kuê wa, poson santa pê wanga magi sangaru Nguêza. ⁶Sô é fé: "Si bô na Dêsu ulukua nguê bá kosi punda é sá sisi karu: Ê rá ansu ré ô djê pa é tua conta ô. Só é ka tê ô mó ré pa ôpê ô na rá pê buru wa.⁷Jizu fé: Ê te sa sisikaru. bô na pôi ngôlô ta kua ma Dêsu ô sá wa. ⁸Ê tô bê kuê wa nga sagaru só mu sê turu goveni tia é ku turu ngavé rê. ⁹Ê fá Jizu: nga rá ô turu kua é si bô pé npuna Sun basa hun tê rá uã.

¹⁰Só Jizu fé: fô nguê demonó? Punda ô sá sisikaru: basa hun tê rá Sun Dêsu, ô Êle só bô ka gôgô kuê. ¹¹Só demonó dêsé, só ané ansu bi siriô. ¹²Ola Jizu bi ma Zon sá pêsú, ê siê bá galileia. ¹³Ê sie fô Nazaré ba ta ni Cafarnaum ku ka ta kota mionga Galileia, ni tia Zebulon ku Nafitali. ¹⁴Kua ê rá disê kua ma ná lekaru má ka sama Isaia fa: ¹⁵"Si tia Zebulon tia Nafitali, modja mionga ki basuru Galileia ané sintxi! ¹⁶Pôvô ku ta kossi kulu bê wa kandja gairu, i ané nkenu si ku tá kosi, sombla motxi kandja i rê" ¹⁷Na diê, Jizu Komesa ka plega ka fá! lependê punda govenu ocê ka ê ka bi. ¹⁸Só ê ka ta ndá mionga Galileia, Ê bê dôssu namó Simon ma ka sama Peru, kua André ku ta lega lêlê ni mionga punda ané ta piscaró. ¹⁹Jizu fará ané: Bi lêlê hun ngá ji sê pescaró homé. ²⁰Ku seru ané desa vapó tata só siguiê. ²¹Olá Jizu ta ka ndá ê bê otô dôssu namó Txiagu, na Zebedeu ku Zon. ²²Ané ta letu a vapô ku Zebulon tata rê só lêlê. ²³Jizu lá turu Galileia tá ka xina sinagoga ané , ka plega kua novo di govenu ta ku kula turu mora molesta ku duetxi katxi pôvô. ²⁴A fá kuari ê ni turu Siria, i ané nguê liku turu nkenu xiku ta ka duetxi ku turu molesta ku ta ka tometa ané: ku yô demonó lezaru palarizaru . Jizu kula ané. ²⁵Yô nkenu ka tá lêlê fô Galileia, Decapoli, Jerusalem, Judeia e kibasu Ron

5

¹Ola Jizu bê yô nguê, banda mundu, tassó Rê, i ané maelu rê bi atê Êlê. ²Antó Ê biri boka rê i xina ané, tô fá: ³Ku gosto sá pobli di Supitu, punda ané sa Lenu onsé. ⁴Buaru sa ané nguê xatiaru punda ané ka ba sá animaru. ⁵Buaru sa ané nguê mansu, punda ané ka ba leda tia. ⁶Buaru sa nguê xi ku tê fomi i sêri de zustisa punda ané ka bi sa sasiaru. ⁷Buaru sa nguê ku mizerikordiozo punda ané ka ba tê mizerikordia. ⁸Buaru sa nguê ku tê kosón limpu punda ané ka bê Dêssu. ⁹Buaru sa nguê ku tê paxensa punda ané ka ba sa samaru ná Dêssu. ¹⁰Buaru sa nkênu ku sa pisiguiru punda zustisa, punda dy ané sa leno onsé. ¹¹Buaru sa sê ola má nguê ka ofendê i pisigui, ô fá turu tipu di mali i fasidadi kontla sê punda sê ka sigui Un. ¹²Ta ku gostô i alegria, punda mémé sa rekompensa sê ni onsé. Punda mora é nkênu ka pisigui plofeta ku ka antigí sê. ¹³Sê sa salu tia é, mazi si salu pendê gosto, má a ka sivi kuê dingui! Sô é na ka sivi dô-ôto kua dingui wa, sô pa sê zugaru ta i sá du-mundu dá nkênu. ¹⁴Sê sa kandja dy tia é, un-wa posón giru diba kolima na ka pô sa méma konderu wa. ¹⁵Ny-wa nguê ka iêrê whâ kandja i ka pê kosi di un-wa zonguê, mazi, ola é, ka pê kandja é iêrê ra turu ni kai. ¹⁶Ky kandja sê ka iêrê wê nkênu, di taly mora ma ka bê kua buaru ka lova Tata nón ku sa ny onsé. ¹⁷Na pensa ma An bi pa lokê ku Alê ô Plofeta ua, na bi pa lokê ku sê wa, mazi pa kumpli. ¹⁸Sô ixi-é, verémé, nga fa sê, atê ma onsé i tia ka psa ny-wan pontu ô tili ka ba sá, di ny-wan mora, ka ba sa muraru ny Alê atê ku turu kua ka kumpli. ¹⁹Sô kua kuali un-wa nguê ku ka kebia txoodódó di mandamentu i xina otô gi kuê é mé ka sa samaru txoododó ny Lenu onsé. Mazi kua kuali un-wa ku ka lokê mandamentu rê i xina ka sa samaru mémé ny Lenu onsé. ²⁰Kué sô manda nga fa sê, si zustisa sê na exeder zustisa di eskriba i farizeu, di mora na ka letxa ny Lenu onsé. ²¹Bo ndê ma fá ny djina-kulu: Ná mata-wa, i kua kuali un ku mata ka sa sujeitu a zugamentu, ²²Mazi nga fa sê ku kua kuali un sê ku ka sa ku leva kontla namó rê ka by sa sujeitu a zugamentu, i kua kuali ku ka fa namo: Bô sa un-wa maloko! Ka ba sa sujeitu i sê zugara ny tribula-ny kua kuali ku fa: Blutu-é! Ka bi sa sujeitu a fogô ra fénu. ²³Sô si bó bé ku plezenti pa altar ni nha bô ka lembla ky namô ô kua kontla bó, ²⁴dessa oferta ô nha, ni wê altar i bê pimbelu gi pagi ku namo ô, sô bi mussa plezenti ô. ²⁵Letxa ni akordu ku nguê ku akuza séru, sô bô sa kuê ni mondja pa tribunali, pa akuzarô rê na ra tanga ô da zuxi, i zuxi ka tangô ra ofisial, i ka zugô pezo. ²⁶Veré mé nga fa ô na xiê nha antê bô ka paga ultimu xintosô ô. ²⁷Bô ndê kua má fa: na zunta doussu mengai wa! ²⁸Mazi nga fa sê kua kuali un wa ku ka bé pa un-wa mengai ku inteson mali sa é gi adulterio kuê ni kloson rê. ²⁹I, si wê dileto ka bê ku ô ka gi ku mali, txiê ta zuguê ta, punda sa maxi buaru un-wa nga ônguê ô muê dy ky turu onguê ô sa zugaru ni fenu. ³⁰I si món ô dleitu ka bé ku ô gi kua mali, kotê zuguê ta, punda sa maxi buaru un-wa luguê onguê muê ki turu onguê sa zugaru ni fenu. ³¹Sô a fa: kua kuali un-wa ku manda mengairê bêrê dé un-wa kata di divorsio. ³²Mazi nga fa sê ky turu nguê ku ka бага ku mengairê, pê na sa punda imoralidadi sexual wa, é ka zé un-wa bandira, y kua kuali ki kaza kuê, sô pê бага ka kometê adultero. ³³Bô ndê kua ma fa ané nguê nakulu: Na zula fassu wa, mazi kumpli zuramentu sê da Sun. ³⁴Aun nga fa sê ma Un na ka zula di né-wa kua wa: né da onsé, punda é sa tronu Dêsu. ³⁵Né da tia, punda ô sa fimi di opé ô, né da Jerusalem, punda é sa possó di mémé Alê. ³⁶Na zula da ntê-ô wa, punda é na pô bila un-wa fita ntê pétu ô ziaru. ³⁷Mazi lumba ô sa véré-véré ô inó-inó. Kua kuali kuê dô kê ié ka bi di malignu. ³⁸Sê ndê kua ma fa sê: wê ku wê y detxi ku detxi. ³⁹Mazi nga fa sê: na vugu ku nkênu mau wa, otô mora, kuakuali nkênu ku ka da ô un-wa suru póló, tô dé otô kiba póló també. ⁴⁰Si nguê mêssê bé ki ô tribunali y tua tunika ô, dessa nguê i tua també kapa ô. ⁴¹I si nguê obliga-ô nda un-wa milha, bé kuê dossú. ⁴²Da kua kuali ki pindji ô, y na bila mema ô da kua kuali nguê ki messê pindji ô kua pesaru-wa. ⁴³Bô ndê kua ma fa: ngôgô ki nguê ô, i na ngôgô ku numigu ô wa. ⁴⁴Ku turu kua nga fa sê: ngôgô ku numigo sê, i fa lasón da nguê ki ka vugu ku sê, dá bensón da bguê ki na ka ngôgô ki sê wa, ⁴⁵Pa sê sa ná de Tata sê ki sa ni onsé, punda é ka gi soló bé nnê da nguê buaru y da nguê mali y ka manda suba da zustu y inzustu. ⁴⁶Punda si sê ngôgô ku nguê, ka ngôgô ku sê sê kuali rekompensa nganha ku kuê! Ê sa veré atê kobarô dy impostu ka zi kuê mé! ⁴⁷I, si sê fa mantxa da námó sê sô, kua sê ka zi otô! Ê na sa véré atê zintxi ka zi kuê mé! ⁴⁸Anto sa setu, mora setu de Tata sê Selestial.

6

¹Nó té ku ló ké vira nó, pa no na gi kua, panguê na boia no wá punda no na kua tua likéza ma, Deço te pé ra nó wa. ²Antó, ola no ka gimola nó na ka pó toka bozina mora outô nguê kaji le to nguêza ou ne mondja, pa turo nguê nguabé, magi a um ugafá cé éné tua recompensa éné za . ³Magi ola mó kada gimola, na lega mó chi kero ta kua má mom deto so ka giwa.. ⁴Pa gimola nó sa daro séguéro anto papa nó, ka bé séguéro, ka recompensa⁵Ola no ca fá ku deço no na ka pó sá mora nguê fingiro wa .punda éné ka disfarsa mora nguê so ca fa ku Deço ne leto ngueza e ne mondja kuçu, pa turu ngue be kua ma

éné tua recompensa zo. ⁶Magi ola nó ka fa ku Deço, no ka letcha ne karto, fissa poto fa ku tata no ku sa seguero, anto tata no ku ca be seguero, ka recompensa no. ⁷Ola, nó ka sa fa ku deço nó na ca po sa pinagi Deço kua mé na mecéua, mora má éné gintxi ka gi ua punda éné ka kunda ma só ka ba ndé éne, punda kua e you fa ma éné só cafa. ⁸Antó no na ka pó sa mora ané wa, punda tata nó ta wa ma nó mese antiji pa no pinj ele. ⁹Antó fá lasó aci, tátá no wa sá oncé nome ó sa santo. ¹⁰Bi wu reinu ó da no.ku vonté ka sa jiro ni tia, mora mó ji ni oncé. ¹¹Dano hozé mpó nó kara ria. ¹²Pora nó divida, achi mora nó pora nguê ka devé nó. ¹³Na lega no kié ne tentasó wa, magi livia nó né wé nimigo. ¹⁴Chi no pora male ngue, tata no ku sa oncé té ka pora nó. ¹⁵Magi chi no na pora malingué wa, tata nó na ka pora no wa. ¹⁶Kua nga fa, ola sê ma ji lejum, na ji mó nguê sa triste ni onguê, mora nguê fingiru ka ji wa, punda éné ka ji onguê ené pa ta ma ené só ka jejua. Vêrê vêrê nga fa sê ma ené tê rekompensa za. ¹⁷Antó, ola sê ka ji jajum un ji ntê ka, laba onguê sê, ¹⁸Pa na mosa nguê mó sa, ji jejum wa, ma ji Tata ô só ka pô ta. ¹⁹Na zunta da nó likêza ni tia wa, andji trasa ki fêluza ka dané wa, andji ladlon ka invadié futé wa. ²⁰Kua nga fa sê, luma likêza sê ni onsé, andji ma trasa né feluza na ka dané wa, andji ladro na ka invadié wa nê futé wa. ²¹Andji ma likeza sê ka sa, sa ingué ka té côsô. ²²Wê sa kandja de ônguê non. Punda xi wê sa buaru, turu onguê non ka sa siaru de kandja. ²³Maji, xi wê non sa mali, yuru onguê non ka sa xia de kulu. axi, xi kandja ku sa ni sê sa vêrê kulu, ngai fogawa kulu é. ²⁴Néwã nguê na ka pô xive dosu mészé wa, ô é ka sa mali ku wã gôgô ku ôtô. Ô é ka sa ku wã zeta ôtô. Non na ka pô xive Desu ku likêza wa. ²⁵Aié awn ga fa sê: Na vugu ku vira sê wa, kua mé, kua bêbê, di turu kua ônguê ô kua ma non ka bixi. Punda vira na sa maxi ku mé wa, onguê non sa maxi ku ka bixi? ²⁶Pia bisu ni onsé: é na ka ximia wa ; é na ka kôîê wa, é na ka zunta wa, maji Tata sê ku sa Onsé ka da ané mé! Sê na sa maxi dô kê ané wa? ²⁷Kuali sê ku, sa preokuparu, ka pô pê wã mindjira ni tempo de vira sê? ²⁸Punda kua mô sa preokuparu u kabixi da? Pia éné xitu ku sa kampu, môra éné ka klészé: Éné na ka tabawa, na ka tészé kabixi wa. ²⁹Ma axi nga fa sê atê plopi Salomon turu likêza mé ta kuê é na bixi mora wã éné wa. ³⁰Desu bixi iku de kampu, ma non ka bê ozé, mungu a ka zuguéne ni fono, Desu ka bixi non, home de afé txo? ³¹Só, non ka pô sa preokuparu de kua mé wa? De kua bêbê wa? Kua de kua ma non ka bixi wa? ³²Punda, ené zintxi ka ngôlô ané kua é Tata non ku sa Onsé ta ma mészé turu kua é. ³³Maji ngôlô pimêlu Lenu de Dêsu ku justisa rê, turu kua é non ka bê. ³⁴Maji non na ka pô sa preokuparu da kua mungu wa, punda mungu Desu tá. Punda kada dia tê mali rê.

7

¹Na zi zugameto pa a na zuga se wha. ²punda ku zugamento ma se ka zuga nkenu a ka zuga se mora e me, ku mora ma se ka mindji nkenu a ka mindji se. ³Ra kuay ma bo ka ngolo txia yku ku sa whe, na amo-o, ma bo na ka ta ndjigi po ku sa plopi whe o wha! ⁴Ma bo ka fa na amo-o: Dessa un txia iku ku sa whe-o so ma bo plopi sa ku ndjigi po plopi whe-o! ⁵Fassu! txia ndjigi po ku sa whe-o so bo ka be klalu, pa bo txia kua ku sa whe na amon-otlebessaru. ⁶Na ra kasso kua buaru wha ne na lukua me buaru ra poko, pa ane na piza ku ope so to bila ra se to me se wha. ⁷Pindji a ka ra se ngolo, se ka be; bate a ka birie ra se. ⁸Punda turu nkenu ku ka pindji ka tua; so nkenu ku ka ngolo ka be; Ra issi ku ka bate e ka biri. ⁹So kuali ome, katxi se ma na pindji-e wha ndjigi mpo e ka re wha burru! ¹⁰O si na pindji-e kike e ka re wha kiongo! ¹¹So si se ku sa mafe, ta ra na se kua buaru, kuantu maxi, Tata se ku sa Onse, na ka ra nkenu ku pindjie kua buaru wha! ¹²So turu kua ma se ka messe pa nkenu zi se, se toka zie ra ane tambe; Punda ye so sa ale ku profeta. ¹³Letxa poto petaru punda pota biriru, ngairu sa mondja ku ka dana-ngue loke, yo nkenu ku se ka la ne. ¹⁴Mazi petaru sa poto so ku mondja ku mondja petaru ku ka be ku non vira so poko nkenu ku ka be. ¹⁵Tua kuiraru ku fassu profeta, punda e ka bi ku kabissi ombo mazi vere vere e sa ukue ku fomi. ¹⁶Punda kua ma e ka zi so se ka te. So a ka koie uva katxi pinha o figu lotxiga! ¹⁷Mora e me, ma turu po buaru ka ra me buaru, mazi po poreru ka ra me poreru. ¹⁸Po buaru na sai ku ka ra me poreru ne po poreru ra me buaru wha. ¹⁹Turu po ku na ka ra me bueru wha a ka kote zuga pe fogo. ²⁰So ny me re ma a ka te. ²¹Ne turu nkenu ku ka fa Un: Sumu Sumu, ku ka letxa Goveni Onse, mazi ysi ku ka zi vonté Tata Un ku sa Ose. ²²Yo nkenu ka fa un die Sumu, Sumu, non na plofetiza ny nome Bo wha! Ni nome Bo non na kole ku demono non na zi yo milagli wha! ²³So nga fa ane biriru: Na ta o wha! Fo kota Un, se ku ka zi pekaru! ²⁴So turu nkenu ku ka nde lumba Un ku ka kundji ka sa mora ome ku ta kua to zi kai re diba buro. ²⁵Suba sobe, aua matu tuka, sopua ventu ra pe kai e; mazi e na kie wha, punda e ta lemaru diba buru. ²⁶Mazi turu nkenu ku ka nde lumba Un ku na ka kundji wha, ka sa mora ome dodo ku zi kai re diba nseke! ²⁷Suba bi, aua matu tuka, ventu sopua ra pe kai-e so e kie; so бага loke. ²⁸So e ra ma, ola Jizu loke lumba, ane nkenu ta biri bika ra kua ma E ta ka sina. ²⁹Punda E ta sina mora nkenu ku ta turu kua e na sa mora fassu xefi wha.

8

¹Ola ma Jizu tuka fô monte, whã memé nguê Lêlê mema. ²Sô bi wã leproso pê puna uê Rê, fa: Sumuê, si Bô messê, bô pô kula wû. ³Jizu sendê mó Rê sô tokê, fa: Aun messê, ta kularu. ndjandja é foi kurado di lepra rê. ⁴Jizu fa ndê: Pia na fa nkuwã nguê kuê wa. Lêlê mondja ô, ba mussa ané sarsedote sô da oferenda ki Meseji manda, mora wa testimonha da ané. ⁵Ola Jizu letxa ni kafarnaum, wã soré bi Lêlê sô logué: ⁶Sumuê, tabarou un sa pezu ni kai lesaru y mali fogawa. ⁷Jizu fa ndê: Aun nga bé nga kulê. ⁸Sô soré-é kundji: Sumu, aun na sa buaro pa ô letxa leto kai un wa, magi fa wa lumba sô tabarô un ka sa kularu, ⁹punda an turu sa wã omé sujeito a sefi soré aun tê soré maxi bassu un. Nga, fa ixi bé, y é ka bé, y ôuto: Bi, y é ka bi, y tabaro un: Dji kuê, é ka djié, ¹⁰Ola Jizu ndê kuê, ta boka biriru é fa da ané nguê ta ka lêlê: Veré veremé Nga fa sê ki né ni Israiel aumbê nguê ki yô afé. ¹¹Nga fa sê: Yô nguê ka bi ni Leste y també Oeste, ka tasso ni mesa ki Abron, Isaki ku Jako, ni Leno dy Onsé. ¹²Magi ané na di Leno ka sá zugaru ni kilembeka kiba lua, andji katê sua ku mé detxi. ¹³Jizu fa da soré: Bé, axié mora ô kêlê, axié ka sá djiro ra-ô. Sô tabarô-é foi kularo ni horé-é mé. ¹⁴Ola ma Jizu letxa ni kai di Perú,

bê sogla ré detaru ku feble. ¹⁵Jizu te mó ré febléé legue, so é lata komesa ka xive ané. ¹⁶olá suku kubi, ané bi ku yo ngue ki demono tá ká kontrola da Jizu, só Elé txia ané supito ku wá lumba, só kula turo ané ki tá duetxi. ¹⁷Di moréé, sé ta kua ki foi faro por Isaia, o profeta: Ê tua ni dibá Rê turu duéxi non só kega turo mali. ¹⁸Sô Jizu bê yô nguê ni boró Rê, da ané intrussó pa né ba otô kiba ionga di galileia. ¹⁹Sô wã eskriba bi tê kuê sô fa: Messe, aun nga lêlê-ô ba kualikere nga mô ka dé. ²⁰Jizu fa dé: Ané lagaia tê vuvu, sô ané bisso di osé katê kama, magi Ná de Omé na tê andji pê ntê rê wa. ²¹Otô ané maielo fa ré: Sumó uwara un pimelo be ba txia pai un. ²²Magi Jizu fa ré: Léle un, dessa ané mothi txia motxi rê plopi. ²³Sô Jizu letxa ni wá vapô, Ané maielo Rê Lêlê. ²⁴Antó bi wã memé ma tempo ni mionga, ni mora ki ané bossa ta ka kubi vapô, magi Jizu ta ka dumi. ²⁵Ané maielo bi-lêlê sô ané koré-é, fa: Salvanon Sumu, non sa kuase muê. ²⁶Jizu fa ané: Punda kuai sê sa ku mendu! Sê sa di pouko afé! Antó Elê sô lata, kêta ki ané vento ki mionga, sô plassê wã mema kamaia. ²⁷Ané omé ta ku gosto fa: kali mora omé sa xié, ki atê mesmo mionga ku vento ka kundjié! ²⁸Sô Jizu ndu ni outô kiba, ni region di ané gadareno, douso omé ki ta kontrolaro por demono ta bê. Ané ta ka fô ni xinteli sô ané ta yô tomentaro, di morê ki neunwa nguê ka fô viagi na ka pa la ni mondjé wa. ²⁹Antó ané nguita sô fa: kuai non tê kiô, Ná di Dessu! Bô binguê di tomenta non antidji di tempo makaru. ³⁰Na iô londji inguê, wa iô grupo poko ta ka mé. ³¹Ané demono loga Jizu fa: Si tia non, manda non ba ané grupo poko-é. ³²Jizu fa ané: Bé! Ané demono xiê sô ba ané poko, sô antó turu ané grupo sata ni barrera boiaro ni kiba mionga sô ané poko muê ni aua. ³³Ané omé ki ta ka tua konta ané poko fuzi, sô letxa ni posso, tanga turu, kua ixi ku ta da kua ané omé, ku ta ku demono. ³⁴Antó turu nguê posso bi pa taka ku Jizu. Sô ané Bê, logué-é pa êlê dessa zona ané.

9

¹Jizu letxa wha vapo, kluza mionga bi poson Re plopi. ²Anto a biku wha ome lezaru dumiru diba wha sela. ka pia afe ane Jizu fa ome lezaru e: Mosu-e, anima punda pekaru o foi poraru. ³So wha dosu eskriba fa katxi ane: Ome e se ka fa mali. ⁴Jizu ta ta koso ane e fa: Da kuai ma se seka pensa mali koso se ra! ⁵Kuai ku sa maxi facile de fa: pekaru o sa poreru o fa lata nda! ⁶Mazi pa se ta ma Na ome te pore ni tia de pora pekaru. So e fa lezaru - lata tua sela o ba kai o. ⁷So ome-e lata bere kai re. ⁸Ola yo nkenu be kua-e, ane ta gogo kue ka kanta ra Desu, ku ta ra yo pore e. ⁹Ma Jizu fo nha e be wha ome ma a ka sama Mateju, ku ta tasoru wha nga ka kobla koleta so fa re. lele un : So e lata lele Jizu. ¹⁰Jizu ta letu wha kai tasoru mesa ka me yo koblaro impostu ku pekaru bi janta kue ku melu re. ¹¹Ola ane xefi ngueza be kua-e ane fa ane melu Re: Da kuai ma Mese se ka me ku koblaro impostu ku pekaru! ¹²Di nde kua e-e, Jizu fa: Nkenu ku sa dizu na ka mese dotolo wha, mazi duetxi so. ¹³Se to ka ta kua ku sa ye: Un mese te pena mazi na ku vugu wha; Punda na bi sama ngue justo pa e mura wha mazi pekaru. ¹⁴So ane melu Zon bi lele Jizu so fe: Ra kuai ma non fariseu ka ta yo ria se me ma ane melu o, na ta se me wha! ¹⁵Jizu fa ane: wha kuviraru kasamentu ka po sa konvoru, ola ma ome kazaru ka sa kotare! Mazi e ka bi siga ria ma kazaru ka fo kotare so ingue e ka ta se me. ¹⁶Ne wha ngue na ka buta ndjigui panu novu ku wha kua bisi poreru wha, punda nga ma a bute ne ka lele ma kua bisi-e ka fono masi piola ningui. ¹⁷Ne wha ngue na ka pe vin novu ni buli ve wha: Si bo zi kua e-e, buli-e ka kebia ma vin ka lukua lloke, ma buli ka pende. Sa milho bo pe vin novu letu buli novu so ane ka sa lokeru. ¹⁸So ola ma Jizu ta ka fa kue e, wha xefi sore bi pe mpuna son we Re, so fa: Na un mue bere, so bi pe mon o diba re pa e vivia. ¹⁹So Jizu lata be ku melu re. ²⁰So wha mengai, ku na kuine desu anu ta ka padise ka lukua yo sangui, e bi mema Jizu so e saia sinta kabisi Re; ²¹so e fa letu re: Pelu menu si un saia kua bisi Re nga yoga. ²²Ku turu kua e-e Jizu bila so E be fa: Anima, na e a fe o so kula o. So mengai e yogo seru. ²³Ola Jizu letxa kai xefi sore e, e be ma tokaro flauta ku yo nkenu ta ka zi kioio; ²⁴So E fa: fo yngue, punda na e-e na mue wha, mazi e sa sono. So ane komesa ka rie ka zi-e tujan. ²⁵So ola a koleku turu nkenu, E letxa kuantu so e te na-e mon y e lata. ²⁶Kue-e wnga turu kiba tia. ²⁷Ola Jizu ta ka lele mondja bere dosu ome segu ta ka lele ka nguita ka fa: te pena non Na David! ²⁸Ola Jizu letxa kai, ane ome segu bi Lele. Jizu fa ane: Se ka kele ma nga po zi kua-e! Ane kundji: e-e, Sumu. ²⁹So Jizu pe mon whe ane fa. E sa ziru mora afe se. ³⁰So whe ane biri. Jizu puvi ane: pa ne wha nkenu na ta kua-e wha. ³¹Mazi dosu ome sie ba whanga kua-e turu tia. ³²Ma ane dosu ome bene, wha ome mumu siaru ku demono ma a bikue ra Jizu. ³³Ola demono-e sie ome e fa. Yo nkenu ta pazumaru so fa: A na zi kua-e ni Israeli wha! ³⁴Mazi sbi ngueza fa: E kole ku demono e ku xefi demono. ³⁵Jizu ba turu pson ku fegueja, ba sina ni sinagoga ane, ba plega evangelio di goveno ka kula turu mora doetxi inflema. ³⁶Ola e be yo nkenu e ta ku pena ane punda ane ta konvoru se ta kua e punda ane ta mora ombo se pastoru. ³⁷E fa melu re: Mevia sa ngai, mazi tabaro sa poko. ³⁸So logaDonu mevia, pa e manda tabaro ba mevia.

10

¹Jizu zunta ane kuiné dosu damo rê da ane pôrê pa txia turu demono tô kula turu duétxi ku turu mali. ²Nome de kuiné dosu damorê sa: pimêlu, Simon ma ka sama Péru, ku manu rê André; Tiagu, mosu Zebedeu, ku manu rê Zon; ³Filipe ku Batôlômeu; Tomé, ku Mateus nguê ka kobra impostu; Tiagu, mosu Alfêu; ku Tadeu; ⁴Simon zelôzu, ku zura iskariote ku ka ba ngana Jizu. ⁵Jizu manda ane kuiné dosu, ê sama ane fa: Na ba newã nga, ma nguê na tê Dêsu ka vévia né wa, na letxa newã posó de samaritanu wa. ⁶Magi, bé atê ovelha pendêru de kai Israel. ⁷Ala ma sê ka bé sê ka fa; Alê onsé sa petu. ⁸Kula duetxi, Kora motxi, kula lêplozu, Kôlê ku demônô; A dô afabalu, afabalu bô ka dé. ⁹Na bé ku ôlô wa, nê plata, nê blônzi, ku xintu sê wa. ¹⁰Né saku ni mondja, né dôsu kabixi, né sapatu, né kajadu, punda buaru sa tabarô de mé rê. ¹¹Kale keru posó ô nga ma sê ka letxa né, ngolo nguê buaru ku ka ta nha atê sê ka bé sê. ¹²Ala ma sê ka letxa kai é fa ané mantxa. ¹³Xi kai é sa buaru , sê ka desa paji né; Maji xi é na sa buaru wa, paji sê ka tô bé ku sê. ¹⁴Da ane nguê ku na tua sê, ô ndê lumba sê wa, ala ma sê ka xiê fô kaié, ô posó, txia turu opó ku sa ope sê. ¹⁵Veré mé nga fa sê: Nga ba pôpa tia de Sôdôma Gômôra de julgamentu dô kê posó é. ¹⁶Nga manda sê mora ovelha pê katxi lobu, aié sê ka sa supetu mora kiôngô, sosegaru mora

pombi. ¹⁷Biri wê ku nguê, punda ane ka bé ku sê tribunali Sinagoga, ba beta sê, ba da sê pankara. ¹⁸Punda a ka bé ku sê wê govenarô ku Alê, mora wã tetemunha de ane nguê sê Desu. ¹⁹Ala ma ane ka bé ku sê, na sa ku mendu wa, ku mora ô, ku kua ma bô ka ba fa, punda a ka da sê kua pa sê fa. ²⁰Punda ê na sa sê ku fa wa, maji supitu de Tata sê ku ka ba fa da sê. ²¹Manu ka ba tanga manu da motxi, tata da na rê; na ka lata contra tata rê, ba maté ta. ²²A ka ba odia sê punda nomi un; maji nguê ixi ku guenta até ê ka loké ka sa salvu. ²³Ala ma ane ka ngôlô sê posó é, sê ka xiê ba ôtô posó, punda vere mé nga fa sê; Sê na ka ba turu posó de Israel wa até na home ka bi. ²⁴Ane damo rê na sa maxi txímaru dô kê mese ane wa, né mosu lekaru na sa diba de donu wa. ²⁵Buaru da damo rê pa ane sa mora mesé ane, mosu lekaru mora xefi rê; Xi xefi kai a sama demonó, maxi mali ê ka sa nomi ma ane ka da nguê de kai sê? ²⁶Sô, na tê mendu wa; Punda ê na tê kua kondêru ku na ka sa biriru wa, wã kua kondêru ku na ka ta sê pa ta wa. ²⁷Kua nga fa sê kosi kulu, nga fa sê pomonha; ma sê ka ndê leveleve odia sê, fé aié diba kai. ²⁸Na mendu wa, da nguê ku ka mata ônguê rê, maji ane na ka poi mata alima wa. Punda kué, tê mendu da nguê ku ka poi destrui alima ku ônguê ni fenu wa. ²⁹Ê na sa dosu pôrê benderu ku wã lêlu sô wa? Axi é mé newã rê ka kiê sô sê lata sê tua. ³⁰Maji antê kabêlu ntê sê, sa kontaru. ³¹Na tê mendua wa. Sê ka valê maxi dô kê yô porê. ³²Sô sô sô, turu nguê ku ka kofesa da un wê home, An també ka kofesa wê Tata un ku sa Onse. ³³Maji nguê ka zeta un wê home Aun turu ka zetê wê Tata un ku sa Onse. ³⁴Pa sê na kunda ma aun bi ku paji pê tia; Na bi ku paji wa, maji supara. ³⁵Punda Aun bi pa pê home kontla Tata rê, na kontla mama rê, noar kontla sogã rê. ³⁶Numigu di home sa ixi kai rê plopí. ³⁷Nguê ku ka ama Tata ô mama rê maxi do kê Aun na tê paji ku Aun wa. ³⁸Nguê na tua kusu rê lêlê Un mema wa na tê patxi ku Aun wa. ³⁹Nguê ku ka bê vira rê ka ba pêndê, maji ixi ku pêndê vira rê punda Un ka bê. ⁴⁰Nguê ka tua sê, sê ka tua Un, nguê ka tua Un també tua nguê manda Un. ⁴¹Nguê ku rêcebê profeta, ê ka tua wã oferta de profeta, nguê ku rêcebê wã home justu, punda ê sa wã home justu, ê ka recebê oferta de home justu. ⁴²Kua kualí nguê ku ka da wã kopu de áwa fiô da wã nkênu txororo punda ê konsê mora damo jizu vere mé nga fa sê: ê na ka pendê rekopensa de wa.

11

¹Ala ma jizu ndja de prepara kuiné dosu nguê rê, ê xiê nha pa ba xina ê fa de Desu ni poso ane. ²Sô Zon ndê ni pezu de kua de jizu dji, ê manda wã lekaru katxi ane nguê rê. ³Ê fa :'' Bô sa nguê ku tava di bi, ô êtê ôtô nguê, ma non ka pô wara''? ⁴Jizu kundji ane: Bé fa Zon kua ma bô bê tô ndê; ⁵Segu ka bê, nguê na tia ka nda wa bila kanda, nguê tia lepra tô kula, suru bila ka ndê, nguê mueru tô kora, nguê na tê lêlu wa ndê vanjeli. ⁶Buaru sa nguê ku na desa de kêlê ni aun wa. ⁷Ala ma ane tia ka bê mondja, jizu komesa ka fa yô nguê de Zon: kua ma ô ba pia ni dezertu? Wã kana sa djingarú punda ventu? ⁸Kua ma bô ba pia? Wã home bixiru ku kabixi fina? Vere, nguê ka bixi kabixi fina na vévia kai Alê wa. ⁹Maji, kua ma bô ba pia? Wa profeta? Aie, An ga fa sê: maxi motxi dô kê profeta. ¹⁰Sê nguê ku sa skêveru: Pia, Aun sê ka manda na lekaru wê ô ku ka prepara mondja ni wê ô. ¹¹Vere nga fa sê ma, ni nguê kua nansê de mengai, na tô lata ôtô maxi txímaru do kê Zon Batista wa; Sô sô sô maxi txô ni lênu de onsê sa maxi txímaru dô kê. ¹²Gina ria de Zon Batista até aié, lênu onsê sa fosaru, turu nguê ka ji kua ku fôsa ka tua. ¹³Punda turu Pofeta ku alê profetiza até Zon. ¹⁴Xi sê kundji kué, ixié sa Elias ku ta de bi. ¹⁵Nguê tê oria ka ndê. ¹⁶Kua ma ga pô kompara ku gerason é? Sa mora na pikina ku ka foga ni prasa ku ta taso ka sama ôtô, ¹⁷ka fa. ''Non toka flauta da sê, sê na foga wa. Non gôô sê na suã wa''. ¹⁸Punda Zon bi, na ka mé wa, né bêbê wa, ane fa: ''Ê tê demono''. ¹⁹Mosu de home bi mé ku bêbê, ane fa: Dia, ê sa wã home ku ka mé fogawa, ku ka bêbê fogawa, wã migo kobradô impostu de pekaru! Magi sabedoria sa justifikado ku obla. ²⁰Antô jizu komesa ka kuza poson luguê mê ji yô milagre, punda ane na mura wa. ²¹Ai de ô, korazin! Ai de ô, Betsaida! Xi milagre ku ma ji da sê ka sa ziru ni Tiru ku Sidon, ane ka mura nanana ku kabixi saku ku xinja. ²²Maji nga ba popa Tiru ku Sidon ni dia de zugamentu dô kê sê. ²³Bô kafarnaum, ka sa exaltado ni Onse? Inga? Sa zugaru pê kosi, ni fénu; punda ni Sodoma ka ji milagre ma azi dôô, ê sa ka sa até oze. ²⁴Maji nga fa ô ku sa kua maxi facili pa tia Sodoma, ni dia de zuizu, dô kê da ô. ²⁵Nanana Jizu fa: Nga gôgô ku Tata, Sun de Onse ku Tia, punda ane kué bô kondê da sêberô ane ku tê ntê, biri é da na pikina. ²⁶Ê, Papa punda ê sa buaru da ô. ²⁷Turu kua sa daru da Un punda Tata, né wã nguê na konsê Na xi é na sa tata wa, né wa nguê na konsê Tata, xi é na sa nã nguê ma nã mêsê musa. ²⁸Bi lêlê Un turu nguê ku sa fogaru ku yô kua ntê, nga da sê sosêgu. ²⁹Tua jugu Un da sê, xina kua un, punda un sa mansu humilde koson sê ka bê luguê da alima sê deskansa né. ³⁰Punda jugu un sa buaru, kega un sa leve.

12

¹Tempu xiza Jizopassa ni kampu loso, ni sabaru. Ane maelu re tava ku fome ane tava ka kono feso kame. ²Mazi, ola ane fariseu be kue, ane fa Jizu: ''Pi, ane maelo Ô ka zi kua ma a na poe zi ni sabaru wha. ³Turu kua ê Jizu fa ane. '' Nase sê lê kua ma Davi zi ola êle ku ane maelu rê tava ku fomi wha? ⁴Ê letxa ni kai Dêsu mé mpo konsagaru puviaru ra éle, ku turu nkenu re mazi kua pimitiru ra ane saseroty sô. ⁵Sê na lê ni livu ra ale, ni sabaru, ane saserotyna ka lispeta ria ni ngeza wha, Axeme ane fika sê? ⁶Turu kua nga fa sê: Inge te nkenu ku sa maxi ngairu ku ngeza. ⁷Xi sê ka ta kua ku sa: '' An mese mixikodgi na mese sakifisu wha, na kupa nosentxi wha, ⁸Punda Na Ome sa Sum ry sabadu. ⁹Anto Jizu tuka fo nha so letxa ngesa. ¹⁰Nha tava ku ome ku mon lezaru. Ane fariseu punta Jizu: ''Ê sa pimitiru kula ni sabaru?'' ane tava ka ngolo zi Ê mali. ¹¹Jizu fa ane: ''Kuali ome katxi sê, ku te wha ombo sô,so ,xi ombo ê kie ni wuvu ngirub, ni sabaru xi é na ka ngolê moru so pê txiê ni nha wha? ¹²Kwantu maxi valoru, tê wha ome do ki wha ombo | Sô, ê pimity zi kua buaru ni sabaru''. ¹³Sô Jizu fa ome ê: ''Sendê mô ô''. Ê sende so ê bila buaru,mon re bila mora otô. ¹⁴Mazi ane fariseu xiê ngolo malçi kontla Êlê, ma ane kapo txia viva rê. ¹⁵Jizu, ndê kué, ê xiê fô nha. Yô nge lele mema, so ê kula turu ane. ¹⁶So Ê pa na fa kue ra oto nge wha, ¹⁷Pa ê sa verê turu kua ma Isaia ta fa: ''Pia siviro Um man koiê,Sô amaru UM, nkenu ma alima Um gogo kué. An nga

pe Supitu un diba Rê,so Ê ka ba lumba zistisa ra ane zintxi.¹⁹Ê na ka pufia wha, nê ngita wha newha, nge na ka nde boka re ny lua wha.²⁰Ê na ka kebia kana bilaru wha, Ê na ka pagà newha kapina mango ku ka yerewha, antê ma Êle ka bê ku zustisa ku vitoia,²¹ so ane zintxi ka kele ni nome Rê.²²So a be ku ome segu ku mudu, ku te wha demono, so Jizu kule. Sô soluson foi ma ome muru passa ka be so to fa.²³Turu ane povo ta arimiraru to fa:“ Ome ka pô sa Na Davi?²⁴Mazi, ola ene fariseu nde milagri ê ane fa: Ome ê na ka tia demonoxie na sa ku Bezebu, sefi demono”.²⁵Jizu konse pesamentu ane , fa ane:“Turu leno whangaru konta ê mê ka sa distruiuru, so turu poso ou kai whangaru konta ê mê na ka fika atê atê wha.”²⁶Xi Satanaji ka txia Satanaji , ê sa whangaru konta ê ma leno re ka sa atê atê? ²⁷So xi An ka txia demono ku Bezebu ngei moso se ka txia demono kuê? Punda êne kuê, ane ka sa zuxi sê²⁸Mazi xi An nga txia ane demono ê ku Supitu ri Desu, anto Leno ri Dusu xiga ra sê.²⁹Ma mora nkenu ka po letxa kai re ome ku vutu to futa ane likeza re se manhê pimelo? Anto, ê ka po futa turu likezaa rê.³⁰Nkenu ku na ka ku An wha sa konta Un, nkenu ku na ka zunta ku An wha ka whanga.³¹Punda kuê, nga fa sê: turu pekaru ku fa mali ka sa poraru ra ome, mazi fa mali konta Supitu na ka sa poraru wha. ³²Nkenu xi ku ka fa kuaker lumba konta Na ri Ome, ixi ê ka sa poraru; mazi nkenu ku ka fa mali konta Supitu Santu, kuê na ka tê perô wha, nê ni munduê, nê ni munda ku sê ka bi³³Xi wha po sa buaru, mê rê ka sa bua, xi wha po ka sa mali, mê rê ka mau, punda wha po ka konseru ra mê rê. ³⁴Lasa kiôngo, xi sê sa mafê, ma se ka po fa kua buaru? Punda ni boka ka kua ma kosso sa xiaru. ³⁵Zo ome buaru, ni likeza re buaru, ka txia ku ku sa buaru,ixi ku sa ome mafe, ni likezamafe re, e ka txia kua mafe.³⁶An nga fa se ma, ni ria zuizu, ane nge kara kontara kara lumba poreru ma ane ka fa. ³⁷Zo, punda ni lumba ô ka zustifikaô, so ni lumba o ka kondena ô”.³⁸Antô setu eskriba to fa ra Jizu:“Messè non mese bê wha xinali Ô”. ³⁹Mazi Jizu kudgi ane: “wha ma lasa aduteru ka nglo xinali, magi newha xinali ka sa daru ra ane, xi ê na sinali Jona, ixi pofeta.⁴⁰Punda axe ma Jona tava tesse ria ku tesse nsukuni bega wha kike ngiru, axie te Na ri Ome tesse ria ku tesse nsuku ni kosso ri mavu.⁴¹Zo ane ome Ninivi ka to lata, ni zuizu, konta ane lasari nkenuso kondena ane, punda ane lepende ku pregason ri Jona, se pia: sa inge nge sa maxi ngairu ku Jona.⁴²Zo lainha ri sul ka to lata, ni zuizu, ku ane ome di lasa xiê so ka kondena ane punda ê bi na tia lonje pa nde sebê Salumon, so pia: sa inge nge maxi ngairu ku Salumon.⁴³Ola wha supito suzu ka sie ni ome, kanda ni luge kutaru ka ngolo nga kansa, mazi na ka bewha. ⁴⁴Antô ka fa:“An nga to bila ba kai um, ni andgi um fo’.Ola ê bi, bê kai se newha kua, so buaru. ⁴⁵Antô ê bê so ba tua sambari supitu piôlo ku êle mê, so turu ane ka letxa nê pa vivê nha. Antô kondisoxi finali di ome siê ka piôlo ku pumelu. Axe ka sa ku lasa ixi mâ fê”.⁴⁶Ola Jizu ta ka anda ra povo, sô mama rê ku ane naamo rê ta kiba lua ka ngolo lumba kuê. So wha nkenu ba fa rê: ⁴⁷“Pia, mama Ô ane naamo Ô sa lua nha ka ngolo lumba ki Ô”.⁴⁸Mazi Jizu fa ra nkenu ku fa Rê: ngei sa mama Um? Zo ngei sa ane naamo Um? ⁴⁹Antô Ê sendê mon ra ene maelu Rê, so fa:“ Pia, inge sa mama um ku ane naamo um, ⁵⁰Punda nkenuku ka zi vontê Tata Um, ku sa ni onse, nkenu siêsa naamo um , mana ku mama”.

13

¹Dia ê Jizu xie fo kai sô taso ni boro mionga. ²Yo nkenu zunta pè katxi Rê. Sô Ê letxa wha vapo ê taso; E turunkenu ta ndjaru ni paia.³Sô Jizu fa ku ane ni kua ni vesu: Ê fa:“ wha tabaro xie ks kuna kua. ⁴Ola mê ka kuna; txo unkue kie ni boro mondja, bisu bi so mê. ⁵Oto inkue kie ni tia ku te buru, nga ku na te mavu motxi wa, so weleme ê da flolipunda na ta fundu wha. ⁶Mazi, ola solo nase, kema ene loke punda ê na tava ku lezi wa, sô kuta bere.⁷Oto inkue kie ni katxi pô ku pinha, ê sufoka bere. ⁸O to inkue kie ni tia buaru ê ra mê, sem vê maxi, oto sesent, oto trinta. ⁹Nkenu ixi ku tê oria, ndê.¹⁰Ane maelu bi so fa Jizu:“ Punda kuai mo se ka fa ku povo ni vesu?” ¹¹Jizu kundji, so ê fa ane: Sê te gasa pan fa se turu kua konderu ri Govenu ri onsé,, magi ané wa. ¹²Punda nkenu ku té , a ka to dé só nkenu ku na te wa ate kua me té a ka tué.¹³Sô, aun fa ane ni vesu, punda, ane pó bé, na ka pia m,e wa, ane pó ndé, ane na ndé wa né ta wa- ¹⁴Pa ane pofesia ri Isaias kumpri, e é fa: Sé po ndé mazi di turo mora na ka ta wa; se po be, mazi di turo mora na ka ta wa.¹⁵Punda kosó povo é bila dizu, só ane ndé ku ma vonté, só fisa we ane,, xi axe na ka sa wa, ane ka ta ku wé ane, ka ndé ku oria ane , ka ndé ku koso ane, só ane ka lepende, só ngá kula ane.¹⁶Magi beson sa wé se, pundase ka be; oria se, punda ê ka ndé. ¹⁷Vere me aun nga fa s^ma yó pofeta ome zusto ngolo pe pia kua ma sê bê, ane na bêua só ndé kua ma sê ndé ane na ndé wa¹⁸So ta vesu simiaro. ¹⁹Ola nkenu ka nde lumba Desu, magi na ka ta wa só demono ka bê futa turu kua ma simia ni koso ré.I sa kunaru ni moro mondja-²⁰Ixe ma kuna nga buru, sa nkenu ku ka ndê lumba , ta sô ka tué ku goso; ²¹Sô ê na tê ledgi wa ê ka ta txó sò, ola tubulasô ô pisigison ka lata punda lumba ê ka kie seru.²²Isi ma kuna katxi pinha sa isi ku ka ndé lumba, magi ka kupa ku kua tia é ô ku gana likeza ka foga lumba sô ê na ka ra newa kua wa. ²³isi ma kuna mavu buaru sa isi ku ka ndé lumba só ta;ié sa isi ku ka ra mé motxi;un wa doso sentu ôto un wa sentu un wa ôto makeri vè masi. ²⁴Jizu tô tanga ane ôto vesu fa: Govenu ose sa mora un wa ome ku kuna inkué buaru ni mevia ré. ²⁵Sô ola ane nkenu ta ka domi , numigu bi sô kuna inkué poreru katxi tigu sô bere. ²⁶Ola ma inkue tigu da só ra mé inkue poreru turu nace.²⁷Ane na kia dono mevia bi só fa re: Sun , bo na ku na inkué buaru ê mevia ô wa? Ma aié ê te i nkué poreru né? ²⁸E fa ane un wa numigo só zi kué. Ane na Kia fare:Anto bó mese pa nón ba tukué?²⁹Donu mevia fa:“ ynga! Punda ola sê ka saia iku poreru, sê ka po saia tigu kue turu. ³⁰Desa ane dosu kula kota oto ate a kwoiê. Ria ma ka kwoe, nga fa tabarô:’ Saia iku danaru pumelu manhe ni fesi pa kemê, so zunta tigu pè alimaze um”.³¹So Jizu tanga ane oto vesu, ka fa:“ Lenu osê sa mora wha inkue mosara ma ome tua ba kuna pè mevia rê. ³²Inkue è, sa ma txo turu inkue. Mazi ola ê ka kula, ê sa maxi ngiru turu pô mevia sô ê ka bila wha po ngairu ma ané situ ri ose kazi tombe tango ne”.³³Sô Jizu tanga anê ôto vesu: Lenu osê sa morafumetu ma wha mengai tua zolô ku tési kilu fanha ate masa fometa³⁴Turu kwue Jizu fa povo ni vésu, sô, sê vesu, Ê na ka fa newha kua wa. ³⁵Kwue sa pa kua ma ane pofeta ta fape ka sa verè ola ê fa: Nga biri boka um ku vesu; nga fa kua ku ta konderuna ola Désu zi tia.³⁶Sô Jizu legaturu povo sô letxa kai. Anê mailo rê bi sô fé: Fa non vesu ri kapina ni mevia:” ³⁷Jizu kundji ane:

Nkenu ixi ki kuna inkue sa na Ome: ³⁸Mevia sa mundu, inkue buaru sa ane na alè so kapina mali sa na demono, ³⁹so numigo ku kune sa demono. Ria koie è sa fim mundu, sò ane seviru pa koie sa ane anzu. ⁴⁰Ma kapina mali sa koierue kemaru ni fogò , fim mundu sa axe mé. ⁴¹Na Ome ka manda ane anzu Re ane ka zunta ni lenure turu kua ma aka zi ku sa pekaru. ku ane nkenuki zi mali, ⁴²So zuga ene letu fogo fenu, nga ki tē deza sò ku mé detxi". ⁴³Sò ane zustu ka luzi mora sóló ni Lenu ri Tata ré. Nkenu xi ku te oria, ndê. ⁴⁴So Lenu ri Osè sa mora wha likeza konderu ni wha mevia ma wha ome koè sò kondè. Goso ma è sa kuè, ka è bè, bendè turu kua mè tē so kopua meviaè. ⁴⁵Oto vè, Lenu Osè sa mora wha ome benderò ki ka ngolo buru ngène ngène ku tē valoru. ⁴⁶Ola ma è ka bè wha buru è ri pesù ngairu è ka bè sò bendè turu kua ta sò kopuè. ⁴⁷Oto vè, Lenu Osè sa mora wha lèlè ma zuga pè mionga sò tē kikè turu mora. ⁴⁸Ola è xia, ane pixikarò saiè pè paia. Zo tasò zunta kikè buaru pè zonge, mazi, ane turu kua poreru ane zugè ta. ⁴⁹Axè fim mundu ka sa mora è mè: ane anzu ka bi sò tia ane nkenu ma fè katxi zustu, ⁵⁰sò zuga ane lutu fogo fenu, nga ki ka ba tē deza sò ku mè detxi'. ⁵¹Se nde turu ku ri e? Ane siviro fè: "È". ⁵²So Jizu fa anè:" Turu mèsè ri alé ka bila sigiróni lenu ri Osè mora wha ome ku sa dono ri wha kai, ku txia turu nkua vè turu kua novo ni likeza rè"! ⁵³Ola ma Jizu loke fa turu kua ni vesu, È xiè fò nhà. ⁵⁴Sò Jizu letxa ni tia rè, sò è xina ane nkenu ni letu ngèza, so ane ta fika admiraru fa:" Andji ome è ta yo kuè nè, so ku milagi è nè? ⁵⁵Iè na sa omé mosò Kapintelu wa? Maia na sa mama re wha? so Tiago, Zozé, Simon, ku jura naamo rè wha? ⁵⁶Ane mana rè na sa katxi no wha ? So andji ma omè ka tia turu kua nè?" ⁵⁷Ane leva ku Jizu: Mazi" È fa ane: Pofeta ka tē honra , menu ni tia rè sò ku familia rè mè.". ⁵⁸Sò È na zi yò milaginha wha punda ane ka kèkè nè wha.

14

¹Tempo xi za, Helode, tetraka, ndê fa Jizu. ²È fa kiaru rè: Ié sa Zon, Batista: È lata motxi, è manda má puré sa jiru né. ³Sò Helode tē, manhé pè pézu, povia Herodia, mengai di nani-mó rè Filipe, ⁴Sò Zon fa: È na sa bua pa bô tē mora mengai ô wha. ⁵Helode ka manda maté mazi è mendu povo, punda ané pia mé sa whã na lekadu. ⁶Mazi olá dia ano Helode, ná Helodia foga kaxi kuviraru sò è yê Helode. ⁷Kua mé kundji, è plometè zula. Ma è karé kuakuali-kua mé ka pindji. ⁸Sò olá má mamá rè siné è fs: Dän ntê Zon Batista leto whã pato inguè. ⁹Sò alè ta kumoveru fogawha ku kua ma né-é pindji, mazi punda kua mé zula ku turu nkènu ku ta kotarè, è manda pa kazi kuè. ¹⁰È manda soré pa ané kota ntê Zon pè pezu. ¹¹Sò a bi ku ntê rè lètu wúa patu ra né-é, è bekuè ra mama rè. ¹²Sò ané damo-rè bi, tua onguèrè ba tia. Èta sò ané ba tanga Jizu kuè. ¹³Olá Jizu ndê kua ku ra è siè fonha letu whã vapò bá whã nga pataru. Ola ané ndê kua e yò nkènu lèlè ô pè, bi fò possu. ¹⁴Sò Jizu dêsè vapò è bè yò nkènu. Sò ta ku pena ané ye kula doetxi ané. ¹⁵Olá è ndu ngonsi ané melu rè bilelè sò fé: Ynguè sa whã sê newhã kua né y è sa nsuku zá. Manda ané nkènu è bené vila ba kopa mé dá ané. ¹⁶Mazi Jizu fa ané: ané na toka benéwhã da ané kua mé. ¹⁷Ané fé: non tē tanó mpó ku dosu kikè. ¹⁸Jizu fé: bikuè damu. ¹⁹Sò Jizu manda ane nkènu-é tasó patxiru. È tua tanon mpó ku dosu kikè bila wè da osé, dé bensa sò patxiè ra ané melu rè sò ané melu-é ra ané nkènu-é. ²⁰Turu ané mé fika ku ngòsu. Sò ané koiè ndjigui ku sobla de mé: Kuine dosú zonguè siaru. ²¹Nkènu ku mé sa kuazi xinku mili omé menu mengai ku na pikina. ²²Ta sò È zi ané melu rè letxa vapò bekuè ôtò kiba sò È dispidji ané nkènu-é. ²³Sò ola È manda ané nkènu-é bené, È subi whã nga zangaru Elè sò ba fa lasón. Ola è bila kulu, È ta nha sò. ²⁴Mazi vapò ta londji ku taiã kaji fora kotroli punda basa, punda ventu ta ka sopua kontra ané. ²⁵Sò ni kuana vigia nsuku, Jizu possima ané, ka nda diba mionga. ²⁶Ola ané melu rè Bè kanda diba mionga, ané ta ku mendú. ²⁷Mazi Jizu fa ané ola é mé: ta ku koso! È sa un, na mendu wha. ²⁸Sò Peru kundji: Sumun, xi è sa Ô, manda un bá lèlè ô diba aua. ²⁹Jizu fé: Bi! Sò Peru siè fò vapò nda diba aua atè kota Jizu. ³⁰Mazi ola Peru bè vento, è ta ku mendu: sò komesa ka funda è nguita: Sum savamu! ³¹Tá sò Jizu sendè món, tē Peru sò fé: Bò ku tē poko afé, punda kuai bô duvida! ³²Sò ola Jizu ku Peru letxia vapò, Ventu ndja de sopua. ³³Ané melu-rè letu vapò gôgô ku Jizu sò fé: Bò sa Ná Desu de veré. ³⁴Sò olá ané tō passa, ané vitxa tia Genesaré. ³⁵Olá ané omé nga-é bi ta Jizu, ané manda ná lekaru ba turu nga turu kiba sò bi ku turu doetxi dé. ³⁶Ané pindji xi ané ka pô tē xinta mánta Rè, sò turu nkènu ku ka tē ka kula.

15

¹So wha dosu sefi ngeza na kulu bi Jeruzalem lele Jizu so fa: ²Ra Kuai ma ané melu e ka mura kua ma ané nkenu masi tame na kulu manda non ra. Punda ané na ka laba mon so me wha. ³Jizu kundji fara ane: y se ra kuai ma se ka mura kua ma Desu ka manda punda kua ma se biri whe toka. ⁴Puda Desu ka fa: Ra tata o ku mama o lixipetu: Nkenu si ka keta ku ta o mama re, ka mue so. ⁵Masi se ka fá: nkenu ku ka fa tata o mama re, kua kuali zura ma se ka tua mon un aye sa pezentxi ra Desu. ⁶sa nkenu é na te ki lixipeta tata re wha, Di mora é é se seka mura lumba Desu punda kua ma se biri we taka. ⁷Pufia so, Izaia fa di se buaru ola ma e fá: "Ané nkenu é ka lixipeta un ku boka mazi koson ane sa londji un. ⁸Ane ka gogo ku amu fasu punda ane ka sina kua ma omé ka manda. ⁹So e sama turu ane nkenu di bi lele so fa ané: Nde to ta ; ¹⁰ne wha kua ku ka letxa boka na sa suzu wha. Di oto mora, ku ka sie ye so ka bila nkenu suzu. ¹¹So ané melú re bi faré: Bo ta ma ane sefi ngeza é fika firiru ola ma ane nde kua ma bo fa . ¹²Jizu kundji fa: Turu po ma Tata um ku sa Onsé na kuna wha a ka lanké: ¹³Desa ane so, Ane sa xoferu segu. Si wha segú ka guia oto segu dodosu ane ka kie vuvu. ¹⁴So Peru kundji fá Jizu: Sina non vesu é. ¹⁵Jizu fá: Se nasi ta ne wha kua wha. ¹⁶Se na be ma turu kua ku ka letxa boka ka pasa ba estomagu so e loké sie lua. ¹⁷Mazi kua ku ka sie boka ka fo koson ye so ka bila nkenum suzu. ¹⁸Punda Koson Koson ka pensa mali mata nkenu, mengai o omé motxi, omé ku omé ka tua oto futa siriga konvesa suzu. ¹⁹kua é so ka suza nkenu. Me ku mon suzu na ka suza nkenu wha. ²⁰So Jizu sie fo nha Bere wha kiba poson tiru ku Sidon. ²¹Wha mengai kananea bi fo nha ku nguita: Te pena un sun mosu David, Nan sa tometa ru ku demóno foga wha. ²²Mazi Jizu na kundji ne wha kua wha. Ané melu re so bi pindji e fa. Mandé bere punda e se ka nguita mema non. ²³Mazi Jizu kundji fá. A manda un bi ra ombo penderu di kai

Israeli. ²⁵Sô é bi pe mpuna son whe re fa. Sun zura un, ²⁶Ê kundji fa. Ê na sa buaru Txia mpo mosu lukua ra na katso wha. ²⁷So e fá: é é sumum mazi ate na kaso ka me fu fu mé ku ka kie fo mesa donu re. ²⁸So Jizu kundji faré. Mengai é afé o sa ngairu foga wha.zi mora é me ma bo mese. So naré yogo ola é me. ²⁹So Jizu fo nga é é poze mionga Galileia. So e banda wha mundu so tasonha. ³⁰Yo nkeni bi lele, ané biku nkeni mankelé, segu, mumu lezaru, ku yo oto duetxi. Turu ané bi opé Jizu so e kula ané. ³¹So yo nkeni babaka ola ané be mumu ka fá, lezaru ka yogo. mankele ka nda ku segu ka be.Turu ane ta ka kanta da Desu Israeli. ³²Jizu sama ané melu re ré fo fá: An te pena ane nkeni e punda ane to sa ku an tesi ria ma na te netxo kua me wha. Na mese manda ane bene se me wha pa ane na fakese mondxha wha. ³³Ané melu re fare: Andxi non ka be mpo motxi ma ane nkeni e ka me to sobla, letu matu é. ³⁴Jizu fara ané: kuantu mpo se te. Ane fa: sambari ku wha na kike. ³⁵So Jizu fara ané nkeni é pa ane tason son. ³⁶Ê tua ambari mpó ku kike sô ra gasa, patxi mpó-é sô ra ané mêlu rê sô ané patxié ra ane nkênu-é. ³⁷Turu nkênu é mé ta ku ngosô. Sô ane tô koié sambari zóngé siaru ku ndjigi ku sobla ma ane mé. ³⁸nkeni ku mé sa kuana mili omé, menu mengai ku ná-pikina. ³⁹Sô Jizu disipidji ane letxa vapô berê tia Magada.

16

¹Ané farizeu ki sadusseu bi pê Jizu ni plovera, pindji pê mussa un-ua sinale de onsê. ²Magi Ê kundji ané: Ola ngossi ka bi, Sê ka fa: Ê ka tê bom tempo, punda onsê sa buaru. ³E pomonha sê ka fa: tempo ozé sa mali, nuvé sa boru e kulu. Sê ta interpretu kua de onsê, magi na interpreta sinale de tempo wha! ⁴Un-ua gerassó mali e adultera ka pindji un-ua sinale, magi né-un-ua sinale na ka da sê wha, se é na sa de Jona. E Jizu, dessa ané xiê bêrê. ⁵Ane maelu rê vitha ôto kiba, magi ané kessê de bé ki mpó. ⁶Jizu fa ané: tua atensó e sa ki kuidadu ku fermento de farizeu e sadusseu. ⁷Ané maelu rê keta ki ôto fa: Sa punda nó na biki mpó wha. ⁸E Jizu ndê kuê fa: Omé de fé txododo, punda kuai sê ka keta ki ôto fa punda kuai sê na bi ki mpó! ⁹Sê ndê e né lembua de tanón mpó da tanón mili omé e de kuantu zongué ma sê koié. ¹⁰E de naké mpó da kuana mili omé e de kuantu zongué ma sê koié. ¹¹Ma sê na ndê ma na fa sê de mpó! tua atensó e sa ku kuidado ki fermento de farizeu e saduseu. ¹²Antó ané ndê Mê na tia ka fa de ané sê kuidadu ki fermento de mpó, magi de ané sê kuidadu ki sinamento de farizeu e saduseu. ¹³Oló ma Jizu bi lugué setu de Sesareia de Filipe, Ê puta ané maelu-rê: Nguê ma povo ka fa é sa Ná de Onsê! ¹⁴Ané fa: Ané ka fa: Zon Batista: ôto ka fa: Elia: ôto ka fa: Jeremia ôto un-ua de ané profeta. ¹⁵Ê puta ané, Magi sê ka fa Un sa nguê! ¹⁶Limo Peru kundji fa: Bô sa Kristo, Ná de Dessu vivo. ¹⁷Juzu kundjê: Bô sá bensuaru, Simó Barjona, punda é na sa kani e sangue ki revela-ô kuê wa, magi Táta Un ki sa onsê. ¹⁸E també An nga fa-ô ma ô sa Peru, e diba londé nga zi guêza Un e poto de fenu na ka nguêté wa. ¹⁹An nga da ô sabe de Alê de Onsê. Kua ma ô ka liga ni tié ka sa ligaru ni onsê e ma ô ka disliga ni tié ka sa disligaro ni onsê. ²⁰Antó Jizu manda maelu rê pa ané na fa né-un-ua nguê Mê sa klisto wha. ²¹Ndjina dia ixi za Jizu komessa ka fa ané maelu rê ku é sa pa ané ba Jerusalem pê ba sofe yô kua ni món de ansiô, xefi sasserdote e skriba, sa motxi e tô lata ni kuana dia. ²²Antó Peru sama Jizu pê bóro e xumbé, fa: Londji de Un, Sun, kuê na ka ba da kiô wa. ²³Magi, Jizu bila, fa: Siê ba mema Un, demono, bo sa da Un buru de tope, punda bô na ka kuida kua Dessu, magi kua de omé. ²⁴Antó Jizu fa ané maelu-rê : Si nguê mêxê lêlê Un, zeta êle mé, tua kussú rê e lêlê-Un. ²⁵Magi nguê mêxê salva vira rê ka pendê. E nguê pendê punda Un ka bê. ²⁶Punda kuai un-ua nguê ka poveta nganha tia loké e pendê vira rê! Kuai un-ua nguê dá ni toka de vira rê! ²⁷Punda Ná de Omé ka bi ni glória de Táta Rê ki anju Rê. Antó Ê ka dá kada un-ua kua ki toka de kua ma ané zi. ²⁸Véremé Ñ nga fa sê ma un-ua sê ki sa ingué na ka ximenta motxi atê é ka bê Ná de Omé ka bi ni Alê rê.

17 ¹Sa ma nó ria sô Jizu bé ku peru Tiago ku manó ré Zon, wanga pa taru ba ndá ku ané uã nga zangaru. ²Ê ané mura polu né wê ané: nguê rê tá ka luji mora sôló, ka bixi ané bila lijiru wa kandja. ³Só Ku Moizezi ku Elia vitxa ta fá kuê. ⁴Peru fá dá Jizu: Sun é sá buaru pa non ta ingué. si bô mesê nó ka dji tesê kilalu uã rá Sun, uã rá Moizezi i uã ra Elias ⁵Ê ta ka fá Ndá ⁶Olá uã omboxi ku bi ané ndê uã voji bi ni ombixi ka fá : Ixi é sá na hun ma nga gôgô é, di ka mi ka fá. Olá ané maêlu di ku é iné kie nguê ané bassu ané ta ku yô mendu. ⁷Só Jizu bi tê ané fa: sá ta sê na tê mendu wa. ⁸Só ané bila wê na bê niuã nguê wa Jizu. ⁹Sô ola ma ané ta ka tuku ané ne mundu, Jizu da ordé fa: Na fá niuã nguê ku wê wa, atê ma homé ka kora ni motxi. ¹⁰Só ané maiêlu putê fa: Ma ané escriba ka fa ma Elias ka bi punbê ? ¹¹Jizu ku ndi é fá: Elias ka bi punbê veré bo koseta turu kua. ¹²Ni turu kuê ngá fá sê: Elias bi sá, magi ané na ligué wa: Dá kue iné gi kua ma ané mesê kuê. Ni mora é mé na homé ka bá parisê ni mora é mé ni mó ané. ¹³Antó siguioré tendé mé ka fa dê Zon Batista. ¹⁴Olá iné hun du suntu yô nguê, uã homé bi pê puna só suntu Jizu, só fá: ¹⁵Sumuê tê perô na hun; é sá duetxi supitu lendê motxi fogawa. Yô vê é ka kiô ni fogô yô vê ka kê ni auwa. ¹⁶A hun bi kuê da iné maiêlu ô, magi iné ná poi kuelewa. ¹⁷Jizu kudji só fá: gerason mau ixi ku na ka kêlê wa, atê kê ria ngá sá ku sê i atê kê ria ngá kenta sê? Bi ku mosu é rá hun. ¹⁸Jizu kolê mé ma demonó é xê na mosu, é fika kuralu olá é mé. ¹⁹Antó iné maiêlu bi lêlê Jizu sê pa otô nguê ta só fa: Punda kui nó na pô xiê wa. ²⁰Jizu fa iné sá punda afê sê sá txiororo, só hun ngá fá sê. Xê sê tê afê mora uã gran di mostarda sê ka pô fará mundu é xiê nguê han. Ê ka xiê. Ni wa kua ka impiri sê wa. ²¹Magi maru demonó é na ka xê iná sá ku olason ku dijiun. ²²Olá iné tia di Galileia Jizu fá iné maiêlu ré: na homé só ka ba sá tregaru né mó di homé. ²³Iné ka bá motxi magi, tesi ria, é katô lata. Iné maiêlu fika tlisti fogawa. ²⁴Olá iné xiga Cafarnaum iné ba lêlê Peru ku iné maiêlu rê, iné punta: Masé sê na ka paga impotuá? ²⁵Ê kundji é, é ka pagué. magi ola Peru leta kai Jizu gê seru punté: kuai nó ka pô fa di uã Simon? Di nkeni má ale di tia ka recebé taxa ô tributu? di iné ma ré ô yô nkeni? ²⁶Olá Peru fá: Di otô nkeni, Jizu fá iné. Antó ané na rê na pagawa. ²⁷Magi pa iné nagi demandawa, ba mionga zuga zoló, pimelu ki kê mó ka tê, bili boka rê. Bô ka bê lélu tu é da ki ku ká kobra impostu ra hun, ra.

18

¹Ni tempo é mé, ane melu Jizu bi lélê sô puté: Nguei sa masi ngai ni Govénu osé! ²Jizu sama wha ná pikina, sô pê katxi ané sô fa: ³kua nga fa sê veré ma pelu menu si sê na mura sô bila mora ná pikina wha, dy ne wha mora sê na ka letxa Govenu osé wha. ⁴Sô nkenu si ku ka baza ntê mora ná pikina é sa masi ngai ny Govenu osé. ⁵Sô nkenu si ku tua wha ná pikina-é ny nomi un, ka tua un. ⁶Mazi nkenu si ku ka béku wha ná pikina si ku ka kélê ny amu pa é zi mali, sa milhó pa é tua wha buru ngairu manha pê singô rê zuga pê fundu mionga. ⁷Á dy mundu ku ka zi ane ra tópi! Punda mali ka bi mazi a dy nkenu ku ka zi mali bi! ⁸Si món ô opé ô ka zi ô zi mali, koté zuguê ba londji ô. Ê sa milhó pa ô letxa ny vira mankêlê ô lezaru, dôkê pa a zuga ô pê fogô ku na ka paga wha ku dosú mon ô dosú opé. ⁹Si wê ô ka sa zi mali, tukuê zuguê ba londji ô. Ê sa milhó pa bo letxa ny vira ku wha wê dolê pa zuga ô pê fogô ku na ka paga wha ku dosú wê. ¹⁰Kuiraru pa bô na dispreza ne wha kua txó-oróro é wha. Punda nga fa sê ma anzu-rê ku sa onsê ka bê pólo Táta ku sa osé turu ria. ¹¹Punda Ná Ome bi sava nkenu ku ta pendêru. ¹²Kuai bô ka kunda! Si nkenu sa ku desú-sentu ombó, sô wha rê pendê, é na ka desa wha sentu ku mé tatu wha nga, pa é ba ngolo ku pendê wha. ¹³Kua nga fa ô veré ma si é bê é ka sa ku ngôso masi dokê wha sentu ku mé tatu ku na pendê wha. ¹⁴Mora é mé ma Tata sê ku sa osé ka mèsê ra wha txóororo-é wha. ¹⁵Si na amon ô zi ô mali, bafé dy mali ma é zi, bô kuê sô. Si é ndê ô sa bô nganha na amon ô. ¹⁶Mazi si é na ndê ô wha, bô ka bi ku dosú ô tesí sesteminha turu lumba ka sa veré. ¹⁷Si é na ndê wha, bô ka ba fé nguêza. si é na ndê nguêza wha, bô ka pié mora jintxi ô koblarô impostu. ¹⁸Kua nga fa sê veré: ma turu kua ku ka liga ny tia ka sa ligaru ny osé: y turu kua ku sa disligaru ny tia ka sa disligaru ni osé. ¹⁹Antizi kua é, nga fa sê ma si dosú kusitxi ny tia ra kua kuali kua ma sê ka pindji é ka sa ziru ny favolô ane ra Tata, ku sa osé. ²⁰Punda nga ku tê dosú ô tesí zuntaru ny nomi un inguê é un sá katxi ané. ²¹Sô Peru bi sô fa Jizu: Sun, kuantu vê ma na amon Un ka zi un mali ma nga poré! Atê sambari vê! ²²Jizu kundji: wha sentu ku kuinê kin vê. ²³Punda Govenu Osé sa mora wha alê ku ta mesé zi konta ku wha ná kia. ²⁴Ola é komesa ka seta konta a bi ku wha ná kia ki ta devê kuine mili lélú. ²⁵Mazi ma é na ta ku mora pagué wha, mése rê mandê bendê ku mengai rê ku turu kua ma é ta kuê pa é paga lélú-é. ²⁶Sô na kia kiê ku mpuna son whê rê sô fa: Mésé tê paxensa ku an nga paga ô turê. ²⁷Sô mészé na kia é, ku pena rê, liblé poré divida. ²⁸Masi ná kia é siê bê wha na kia rê ku ta devê dosú sentú. Ê tê pemê ngono-ngono rê, sô fé: Paga kua ma bô devê un. ²⁹Masi na kia-é kiê pindjê fa: tê paxensa ku an nga paga ô. ³⁰Mazi pumbê na kia-é na poré wha. Ra kua é-é, é zuguê pê pezu, atê é ka paga turu lélú é. ³¹Ola otô na kia bê turu kua ku ra, ane satia, ba tanga mészé turu kua ku ta ra. ³²Sô mészé na kia-é samé fé: Na kia máfé un pora ô ku turu divira punda bô pindji un. ³³bô na pô ka tê pena na kia ô mora ma un ta ku pena ô wha. ³⁴Mészé rê satia foga wha tué ba ra ane nkenu pa beté atê é ka maia pa é paga turu lél ma é devê. ³⁵Mora é mé ma Tata un ku sa osé ka zi sê si kara wha sê na pora ná-amon sê dy turu kosó wha.

19

¹Sô ma, olá Jizu ndja ane lumba, é ba Galileia é ba regiô judeia otô nga oyô jordôn. ²Yô nguê lelê mêmá, Ê kula ane. ³Fariseu bi lélê, pê plova: ene fa: Ê sa bua un wa home lega mengairê da kua kuali-kua! ⁴Jizu kundji é fa bó na tia lê ma ixe kugi zina ná kulo gi homé ku mengai! ⁵Êlê mé ta fa: kuê só manda, homé ka léga tata rê ku mamarê ba zunta ku mengairê. Ené doussu ka bila un wa kane sô! ⁶Sô ane na sa doussu dingui wá, magi wá kani só. Só, kua ku Dessu zunta neunwa nguê na ka baguê wa. ⁷Ê fa ane: Punda kua manda Mojezi manda nó da un sertidô de baguaa é repudia! ⁸Êlê to fa ane: Punda dureza kosso sê, Mojezi kunsitxi ki ane бага ku mengai ane, magi, na kulo, na tia mora é wa. ⁹Nga fa sê ku turo ixe ku ka repudia mangairê, anasê nguê ka landja outô homé ô mengai, sô zunta ku otô, ka kometê adulterio, homé ku ka zunta ku unwa mengai repudiada ka kometê adulterio. ¹⁰Êne nkenu fa ku Jizu: xi éssa mora é unwa home ni mora ku mengairê, na sa buaro zunta wa. ¹¹Magi Jizu fa ané: Na turo nguê ku ka kunsitxi ku xina wa, magi, nguê ixi zo ku ka kunsitxi kuelê. ¹²Sô êtê enuku ku ka nansé axé ni uti di mama ané: Ê tê enuku ku sa giro enuku punda homé. Ê tê enuku ku gi elê mora é mé enuku punda leno onsê. Nguê ixi ki sa buaru di tua ensino é tué. ¹³Sô ane bi ku txó nápikina pa Ê sendê mó da ane dji lason, magi ane nkenu ketá ku ané, ¹⁴só Jizu fa: Dessa ané nápikina, na publi ané di bilêlê Un wa, punda ané so sa leno onsê, ¹⁵Ê pê mó diba ané sô Ê fô nha. ¹⁶Sô unwa homé bi tê ku Jizu é fa: Messé, kua má nga po zi ku ka bua pan tê vira longo! Jizu fa, ndê. ¹⁷Da kuai ma bó sa punta Un di kua ku sa buarro! Sô wá sa buarro, magi xi bô messé letxa ni vira, kumpri ané mandamento. ¹⁸Homé punté: kuali mandamento! Jizu kundji: Na matawa, na kometê adulterio, na futa wa, na fa fassu testemunho wa, ¹⁹Honra tátá ô ku mama ô, amá nguê ku sa zunto ô mora ô mé. ²⁰Sô maxivi fa: Ni turu kuê ta djiê: kua nga pó dji anda! ²¹Jizu kundji: xi bô messe sa buarro, bé bendê kua ku bô tê, da ané pobli, bô ka ba tê tisoro ni onsê, antó bi lélê un. ²²Magi ola ma maxivié ndê kua ku Jizu fa, é berê ku disgosto, punda é ta ku yô likeza. ²³Jizu fá ane maielo rê, Verémé Un nga fá sê é ka kusta da wa omé liku letxa ni leno onsê. ²⁴Nga tô fa sê dingui: Ê sa maxi faxili pa wá kamelo lá ni leto vuvu di wá guia, dô kê wá home liko letxá ni leno di Dessu. ²⁵Ôla ané maielo ndê kua é, ênê ta fika admirado to fa: Nguei antó ka to sa salvo! ²⁶Jizu bê ane fa: Da ane homé-é kuê-é sa impossivel, masi pa Dessú turu kuê sa possivel. ²⁷Anton Pérru kundji tô fa ane: Pia, nó lega turu kua so pa xigui-ô: Antó kua non ka resêbê. ²⁸Jizu fá ane: Verémé Nga fá sê ma, ni vira novu, ola ma Ná di Omé ka tassó ni trono de gloria Rê, Sê ku ta lele Un també ka tassó diba kui-doussu trono pa zuga ane kui-doussu tribo de Israel. ²⁹Turu nguê ku lega kái, mano, mana, tata, mama, ná, ô likeza, punda nome Un, ka tua doussu sentu dingui e ka leda vira atê atê. ³⁰Magi yô nguê pimbelo ka sa ultimo, e yô nguê ultimo ka sa pimbêlo.

20

¹Punda Alé Osé sa mora wha Donu losa ku siê pomonha seru ba ngoló tabarô ra mevia rê. ²Olá ê luma ku tabarô wha lêlú kara ria, ê mandé ba meviá. ³Ola ê ta siê dy tesi olá ê bê otô tabarô ku ta ku vonté plasa. ⁴sô ê fa ane: ba taba mevia un nga paga sê. Sô ane ba taba. ⁵Ê tô siê vota dy samanó olá, ê tô bé Uvua ola ê zi kua-é mé. ⁶Ê tô bé vota dy kuine wha ola, sô ê tô siê ê bê otô ku ta ku vonté. Sô ê puta ane: ra kuai ma sê sa inguê ku vonté turu ria! ⁷Ané kundji: Punda né wha nkenu na mesê kuvira non wha. Ê fa ane: sê turu ba mevia un. ⁸Ola ê vitxa ngosi donu meviá fa nkenu ma ê pê konta mevia: Sama tabarô paga ane lêlú, komesa fô utimu atê pumbê. ⁹Ola ane tabarô ma a luma ku ane kuine wha ola vitxa a paga ane wha lêlú. ¹⁰Ola ma pumbê tabarô vitxa ane ta ka kunda ma ane ka nganha masi, mazi turu ane tua wha lêlú. ¹¹Ola ane tua pagaentu, ane ba kexa donu losa. ¹²Ane fé: ane tabarô ku bi mema taba wha ola sô, mazi bô zi ane mora non ku taba turu kansaru ku yô kalolô. ¹³Mazi donu kundji wha ane fa. Migu na ka zi ô inzustisa wha, na luma ku bô wha lêlú wha! ¹⁴tua ki sa riô beô: Un tua disizon dy ra ane tabarô kontrataru memá mora bô mé. ¹⁵Na tê diretu zi kua ma un mesê ku posi un wha! Ô bô tê ma whê punda un sa buaru! ¹⁶Asiê dy mema ka sa whê ku sa whê ka ba mema. A ka sama yô mazi koiê pokô. ¹⁷Ola Jizu ta ka banda ba Jeruzalê, Ê sama kuine dosú melu pataru ny mondja Ê fa ane: ¹⁸ka pia: Non se ka subi ba jeruzalê, a ka ra ane xefi nguêza na kulú ku fasu xefi Ná Ome, sô a ka kondené maté. ¹⁹Sô a ka ra ane zintxi pa ane zió tusan, ré sikotxi, pê kusú. Mazi ny tesi ria Ê ka tô kora. ²⁰Sô mama na Zebereu bi lêlê Jizu ku ane na rê. Ê pê mpuna son kota Jizu pindjê wha kua. ²¹Jizu putê: Kuai bô mesê! Ê kundji: Manda pa govenu Ô, ane dosú mosu un ka pô tason wha mon dileto otô mon sikeru. ²²Mazi Jizu Kundji fa: bô na ta kua ma bô seka pindji wha. Sê ka poi bebê kalsi ma Un sa kuaji bebê! Ane kundji: Non ka poi. ²³Ê fa ane: kalsi un sê ka poi bebê. Mazi tason mon deletô tason mon sikeru na sa Un ku ka kusintxi wha mazi yé sa ra nkenu si ma Tata Un ka plepala. ²⁴Ola otô kuine melu ndê kua-é ane ta ku leva foga wha ku dosú na amon-é. ²⁵Mazi Jizu sama ane bi lêlê sô fa ane: Sê ta ma Govenarô zintxi ka zi zugamentu ome masi buaru sô ka sa ku odji diba ane. ²⁶Masi ê na sa mora é katxi sê wha. Dy otô mora, ma kuakuali nkenu katxi sê ku ka mesê sa ngai ka sa na kiá sê: ²⁷Kuakuali nkenu ku ka mesê sa pumbê katxi sê ka sa na kia: ²⁸Asiê ma Ná Ome na bi pa a siviê wha mazi pa Ê sivi, tô ra vira mora resgati yô nkênu. ²⁹Ola ane siê fô Jerikó, yô nkênu lêlê. ³⁰Sô dosú ome ségu ta tasaru bóro mondja: Ola ane ndê ma Jizu ta ka pasa petu, ane nguita fa: Sumu Na David, tê pena non. ³¹Mazi yô nkênu ta ka manda ane kaboka ka fa ane sosegá. Ku turu kua é-é ane ta ka nguinta masi anda ka fa: Sumu Ná David tê pena non. ³²Sô Jizu ndja, sama ane sô fa: kuai ma sê mesê ma nga zi! ³³Ane fé: Sumu, pa whê non biri. ³⁴Sô Jizu tê pena ane, pê mon whê ane sô ane bila ka bê, e lêlê.

21

¹Ola ma Jizu ki maelu-re tia ka ndu Jerusalem ane ndu Betfage, ni Monte de Oliveira. Di nha Jizu manda doussu maelu re, ²fa ane: letxa oto vila e ceru bo ka be nha un-ua jumenta manharu e un-ua jumentinhu kue tue e bi kue da Un. ³si kenu fa se kale kero kua de kue, fa: Sun presiza ane e to da ane dingue. ⁴Kue da pa kumpri kua ma profeta ta fa, ki fa: ⁵Fa na de Siao: Pia, Ale O sa bi da O, mansu montaru ki un-ua jumento, ki jumentinho, kiasso de un.ua situ de kega. ⁶So ane maelu-re be e zi mora ma Jizu fa ane. ⁷Ane bi ki jumento e jumentinho e pe kabisse de situ e Jizu monte. ⁸Yo ngue wanga kabissi ane pe mondja, e oto kota tango po e wanga pe mondja. ⁹Yo ngue ki la we Jizu e ane siguiro Re, guita fa: Hosana da na Davi! Louvaru sa ixi ki ka bi ni nome Sun! Hossana ni londe! ¹⁰Ola Jizu letxa Jerusalem, turu posso tia pekuparu, ka fa: Ngue sa ie! ¹¹Yo ngue kundji: Ie sa Jizu, profeta de Nazarede Galileia. ¹²Magi Jizu lethi ni gueza e kole ki turu ngue ki tinha nha ka kopa e ka bende. E бага meza de lelu de kambista e banco de ane ngue ki tinha ka bende pombo. ¹³E fa ane: E sa sissikaru kai Un ka sa samaru kai de orasso, magi se ze un.ua lugue ladro. ¹⁴E sego e makele bi lele gueza, e e kula ane. ¹⁵Magi ola ma ane xefi de Sacerdote e eskriba be milagre ma E zi e ola ma ane nde napikina ka nguita ngueza e fa: Hossana na de Davi, ane ta ku leva. ¹⁶Ane fa de: Bo sa nde kua ma ane ngue-e sa fa! Jizu kundji ane: Aie! Magi se nunka na le-wa: De boka de ngue txododo e de anzu ki ka mama e ka sie louvoru buaru! ¹⁷Magi Jizu dessa ane e sie fo posso ba Betania e passa suku nha. ¹⁸Pomonha, ola ma E to bila bi posso E tia ki fome. ¹⁹E be un-ua figueira bega mondja; E be ate juntu re, magi E na be ne un-ua kua ne wa, si e na sa fiawa. E fa poe: Bo na ka to ba da mewa. Ola eme figueira e kuta. ²⁰Ola ma ane maielu Re be kue, te gosto e fa: punda kuai figueira-e kuta ola-e me! ²¹Jizu kundji ane e fa: Vereme nga fa se: si se te afe e na duvidawa, an na ka zi so kua ma un zi figueira-e, magi nga fa londe-e: kuta e kie mionga, kue ka zi. ²²turu kua ma o ka pindji ni orasso, kele, bo ka tue. ²³Ola ma Jizu letxa leto gueza, xefe sasserdote e ansion de povo bi lele, ola me tia ka sina, e ane fa: Ngue manda O zi ane kue! E ngue da o puderi-e! ²⁴Jizu kundji ane e fa: An tambe ka puta se un-ua kua; si se kundji un, mora e-me An nga fa se punda kuai ma nga zi ane kue. ²⁵Butismo de Zon bi fo andji! De onse o de home! Ane diskute ki ane me, fa: si no fe: de once, E ka fe da no: punda kuai bo na kele ne wa! ²⁶Magi, si no fe: de home; no mendu yo ngue, punda turu ane ka be Zon mora un-ua profeta. ²⁷So ane kundji Jizu e fa: no na taua. E fa ane tambe: Ne An nga fa se ki pure ma An ka zi ane kue kue. ²⁸Magi kua se pensa! Un-ua home tia dossu na e ba lele issi pumbelo e fa: Mossu un, bo ka ba taba oze ni kampo! ²⁹Na kundji e fa: An na se ka bewa! Magi so E muda fala re e be. ³⁰E home ba lele segundo mossu e fa kue-me. Mossue-e kundji e fa: An nga be, sun; magi e na bewa. ³¹Kuali ane dossu mossu zi vonte tata ane! Ane fa: pimelu. Jizu fa ane: Vereme An nga fa se: kobarro de imposto e prostituta ka letxa ni ale de Desso pimelo do ke se. ³²Punda Zon bi da se ni mondja de justissa, magi se na kele ne wa; magi kobarro de imposto e prostituta kele. Se plope, beru turu kue, se na mudawa e na kele newa. ³³Nde oto vessu: E tia un-ua home, un.ua dono de tia ki kuna vinha, e serke loke, zi un-ua kua pa mua uva, zi un-ua nga zangaru de zongo e lenda tereno da lavrador de vinha. So e ba oto tia. ³⁴Ola ma e xiga dia de kolheta de uva, e manda ane na kia re da xefe de vinha pa tua uva re. ³⁵Magi lavraro de vinha te ane na kia de dono, beta ane, mata oto e da oto ki burru. ³⁶Dono e to manda ane na kia dingui, maxi do ke pimbelo ve. Magi lavrador de vinha to zi ane kue me. ³⁷So kue, dono manda na-re pope, fa: Ane ka rispato-o mossu un. ³⁸Magi, ola ma lavrado de vinha be na, ane fa

ane me: Ie sa dono. Bi, ban mate e tua likeza re. ³⁹So ane te, kolekue ba lua de vinha e mate. ⁴⁰Aie, ma dono da vinha ka bi, kua ane ka zi da ane lavrado de vinha! ⁴¹Ane fe ele: E ka dana ane home mau de mora maxi male e lenda vinha e da oto lavrado, ki ka da o patxi-o dia de kolheta. Jizu fa ane: Se na le kua ki sa sissikaru-wa: Burru ma kontrutor zetz e bila burru ngola. Kue bi de Sun e buaru da we no! ⁴²So nga fa se: Ale de Dessu ka ba sa txizouru de se e e ka ba sa daru da un-ua tia ki ka da me. ⁴³Ngue ka kie diba burru-e e ka sa kebiaru ndjigui. Magi ngue e ka kie diba re e ka bila ompo. ⁴⁴Ola ma ane xefe de sasserdote e farizeu nde vessu Re, nde ma E sa fa de ane. ⁴⁵Ba tue mora de Te, tia ki mendo yo ngue punda ngue konsidere de un-ua profeta.

22

¹Izu to kundji-é ku vesu fa: ²Govenu asé sa mora whān, Alê ku zi fesa, kasamentu ra ná rê. ³Ê manda ane ná kia rê bá sama ané nkenú má ê kuvira ra fesa kasamentu, mazi ané na mesê bi wha. ⁴Alê tô manda ôtô ná kia, fa: Fa ané kuviraru é: bi punda un zi wha janta: Un mata buê ku sevaru za turu kua sa ziru za. Bi fesa kazamentu. ⁵Mazi ané na tua kuraru wha bé ané: whā bêrê meviá ôtô bêrê nogóxo rê. ⁶Sô ôtô tê na kiá alê, zi ané vegonha foga wha sô mata ané. ⁷Sô alê fika ku furia, sô manda soré rê ba mata ané, kliminozu-é tô kema poson ané. ⁸Sô ê fa ané ná kia rê: Fesa kasamentu sa né zá, mazi ané nkênu ma kuvirá na sa bi veré wha. ⁹Antó ba lua létu mondja, turu nkênu ma bô ka bê kuvira ané ra fesa kasamentu. ¹⁰Ané ná kia siê mondja zunta turu nkênu ma ané bê é pô sa mafé ô buaru. Sô sala sia ku kuviraru. ¹¹Mazi olá alê letxa pá ê pia kuviraru, ê bê whā omé ku na tá ku kabisi kasamentu wha. ¹²Sô é fé: Migu má bô letxa ingué sê kabisi kasamentu! Sô omé-é kaboka. ¹³Sô alê é fá ná kia rê: Manha món ku opé omé-é zuguê pê kosi kulu nga ku tê suá ku mé detxi. ¹⁴Punda a ka sama yô nkênu mazi pôkô ma ka koiê. ¹⁵Sô ané xefi nguêza bá ngoló mora de tê Jizu ni kua ma é ka fa. ¹⁶Sô ané manda ané maelu rê ku eródiu e ané fa Jizu: Mése nón tá má bô sa veré ma bô ka sina mondja Desu veré sô bô na ka pota ku konsê ne whā nkênu wha y bô na ka musa paxénsa katxi nkênu wha. ¹⁷Antó fa nón kuai má bô ka kunda. Non pô paga impostu ô inó! ¹⁸Ma é bi ta mali ané: Jizu fa ané: Ra kuai ma sê sêka pova Un ku fassué. ¹⁹Musa un lélú impostu. Sô a biku whā lélú Ré. ²⁰Jizu fá ané: Nguêi tê fegula é ku nome-é! ²¹Ané faré: De Sêzalu. Sô Jizu fa ané: Da Sêzalu kua di Sêzalu, y Dêsu ku sa di Dêsu. ²²Olá ané ndê kua-é, ané babaka desa non bënë. ²³Dié, Sadusêu ba lélê fá ma a, na ka tô kora wha sô puté, ²⁴fa: Mése, Muzeji fá: Si whā omé muê, na tê ná wha, si ná amon rê kapô kaza ku mengai rê tê whā ná ra ná amon rê. ²⁵Ta ku sambari ná amon. Pumbêlu kaza sô muê. Na tê ná wha, desa mengai da ná amon rê, ²⁶Mora é mé segundu ku, tisêru até sambari. ²⁷Sô ku turu ané mengai muê. ²⁸Aié ola ané ka tô kora, kuali ané sambari ná amon é ma mengai-é ka tua! Punda turu ané ta kuê. ²⁹Sô Jizu, kundji ané: Sê erá, punda sê na ta kua ku sa sisikaru né porê Desu wha. ³⁰Punda ola a ka kora motxi, ané na ka tô kasa wha, alê kuê-é, ané sa mora anju de osê. ³¹Mazi kua de lata motxi, sê na lê kua ma Dêssu fa wha. ³²Un sa Dêsu Abron, Dêsu Izaki, Dêsu Jako! Dêsu na sa Dêsu motxi wha mazi Dêsu vivu. ³³Ola yô nguê ndê kua-é ane babaka ku kua ma Ê sêka sina. ³⁴Mazi ola ané xefi nguêza nakulu ndê ma Jizu zi ané Saduseu kaboka, ané zunta. ³⁵Whā ané, wha dotólô alê ngoló pové-Ê. ³⁶Mése, mandamentu alê sa kuali! ³⁷Jizu fa ané: Ngogô ku Dêsu ô ku turu kosó ô, ku turu alima ô, ku turu kua ma bô ka pensa. ³⁸Yé sa pumbê mandamentu masi ngái. ³⁹Segundu mandamentu mora é sa: ngogô ku nkênu ku sa bóro ô mora ô mé. ⁴⁰De dosú mandamentu é ka dependê di turu alê ku pofeta. ⁴¹Sô ola ane xefi nguêza nakulu ta zuntaru anda, Jizu puta ane fa: ⁴²Kua ma sê ka pensa di Klistu! Nguei Ê sa ná Rê! Ane faré: Ná David. ⁴³Jizu fa ane: Má David ni Supitu, ka samé Sun, sô fa. ⁴⁴Sun fa Sumu: Tason mon detu Un, até ma nga pê numigu ô kosi opé ô! ⁴⁵Sô ni David sama Klistu, Sun, Ma Ê sa ná David! ⁴⁶Né whā nkênu na pô kundji-é whā lumba sô wha, sô né whā omé na abuza pufia kuê na dié wha.

23

¹Sô Jizu fa yô nkênu ku mêlu rê, ²fa: Eskriba ku farizeu taso ny banku Muzé. ³Sô kua ma ané mész ku ka manda sê, zé y lokê. Mazi na zi mora ma ané ka zi wha, punda ané ka fa mazi na ka zé wha. ⁴Êê, ané ka pê pon sosi omé. Mazi ané ané mé na ka pô kégê ku mó ané mé wha. ⁵Ané gi turu kua ané pa sa bêru ra omé, sô aumenta filatêrio ané ka lega ntê diba kabixi. ⁶Ané ngogo pimêlu nga ny bankêti ku pimelu banku ngêza nakulu ⁷mantxa buaru ny lua sa samaru" Mésé" ra povô. ⁸Mazi na sa buaru pa sama " Rabi", sô punda ê tê whā mesé sô, turu sê sa ná nimo. ⁹Na sama ni whā omé tia tata s ê wha, punda pa sê ê tê whā tata sô, Ê sa onsé. ¹⁰Né samaru mesé, punda pa sê ê tê whā mesé sô, Kistu. ¹¹Mazi nkênu ku sa maxi ngairu katxi sê ka bi sa na kia. ¹²Nkênu ki ka da dy ngairu ka bi zi é vegonha nkênu ma ka umilha ka bi sa ngairu. ¹³Mazi aí dy sê, eskriba, fingiru! Sê ku fisa Lênu Onsé ra omé. Sô na letxa wha na desa otô letxa wha. ¹⁴Aidy sê, eskriba ku farizeu, fingiru! Sô lokê ku kay dy mengai ku pendê omé ka fa lason motxi. Sê ka tua kondenason motxi. ¹⁵Aidy sê eskriba ku farizeu fingiru! Punda sê ka nda turu mionga ku tia zi whā prozélitu. Ola é ka tê bilaru whā, bogi é dôsu vê maxi na fenu dôkê sê. ¹⁶Aí dy sê, kondutôru segu, ku fa: NKênu ku zula ra Santuaru, na ka valê wha, mazi nkênu ku zula da ôlô santuaru sa obrigadu punda zugamentu rê. ¹⁷Ségu malaboia! Kuali ku sa ngairu, olô ô santuaru ku ka santifika ôlô. ¹⁸Nkênu kutxi ku ka zula ra atali, ná valê né whā kua wha. Mazi nkênu ku zula ra pezentxi ku sa diba êlê, sa obrigaru da zula rê! ¹⁹Ségu! Kuali sa ngairu, pezentxi ô atali ku ka konsagra pezentxi. ²⁰Sô nkênu ku zula ra atali, zula rê ra turu kua diba rê. ²¹Nkênu zula ra santuario, zula ra é ra nkênu ku ka vivê né. ²²Nkênu zula ra onsé, zula ra tlonu Dêsu da nkênu ku sa tasoru né. ²³Aí dy sê, eskriba ku farizeu, fingiru! Sô ka da dizimu, hortelã, ku endro ku modja, mazi sê desa lumba masi buaru ra alê zustisa, mixikodji ku afé. Mazi sê tê ky zi kuê sê kondê otô. ²⁴Kondutôru ségu, ku kua whā muskitu, mazi nguri kamêlu! ²⁵Aí dy sê, eskriba ku farizeu, fingiru! Sô dipa lua kopu ku patu, mazi létu sa siaru kua mali sê paxensa. ²⁶Farizeu ségu! Dipa pumê létu kopu ku patu, pa lua turu ka sa limpu. ²⁷Aí dy sê, eskriba ku farizeu, fingiru! Sô sê sa mora tumba ku kiê, lua ka kô glavi, mazi létu sa siaru osó motxi suzu. ²⁸Moré é mé, lua turu té ka kô zustu ra omé, mazi létu sa siaru dy xidiga ku

mali.²⁹ Ai dy sê, eskriba ku farizeu, fingiru! Punda sê zi tumba pofeta glavi ku mbila zustu.³⁰ Sê fa: Si sê ka vevia ny ria tata nó, non na zunta ku ané ulukua sangi pofeta.³¹ Sô, sê sa na dy ané ku mata pofeta.³² Zi mindjira ta sê turu.³³ Kiongo lasa kiongo mbaga, ma sê ka fuzi zuizu ku fenu!³⁴ Sô bê, ãn nga manda pofeta, ku ta ku eskriba. Un Un ané sê ka mata é tô pê kusu, Un Un sê ka da xikotxi ny sinagoga sê ka puxigui dy posó a posó,³⁵ pa kiê diba sê turu sangi dy zustu zugaru ny tia, djina Abéli, zustu, atê Zakaria, na dy barakia, nkênu si sê mata ny santuaru ku atali.³⁶ Véré mé ãn nga fa sê turu kua é ka bi diba gelason é.³⁷ Jeruzalê, Jeruzalê, ku mata pofeta ku da ku buru nkênu ma ka manda sê! Kuantu vê ãn tenta zunta na sê, mora nganha zuntu ná rê koxi aza rê, mazi sê na mèsê wha!³⁸ Bê kay sê sa desaru seku.³⁹ ãn nga fa sê, sê na ka bê un wha atê ku fa: Benditu nkênu ku bi ni nomi Sun.

24

¹Jizu xiê ngueza, bêrê. Sô ane damorê bi lélê pa misê mora ngueza. ²Sô kundji ane fa; Sê bê turu kué? Ni vèrê nga fa sê né wã buru na ka tô fika diba ôtô ku na бага wa. ³Jizu ta tasoru ni londe olivera, sô ane danso re bi zuntu rê pataru, sô ane fa: Fa non kédia ane kué ka bi sa, kuali xinali ka sa ola bô ka bi. ⁴Jizu kundji ane fa :kuraru pa newã nguê ngana sê. ⁵Punda yô nguê ka bi ni nomi un ka fa: Aun sô sa kristu, ka ngana sê ta. ⁶Se ka nde fa guela rumore de guela, tia, na té sustuwa punda é toca turu kué acontecé, magi é naxi lokuea. ⁷Punda naçon ka lata kontra naçon, leno kontla leno, kate fome tenamorto ni iyo nga. ⁸Magi ané kué sa so komeçu de dolo pari. ⁹Antó ane kua da sé kua doló e matacé, se kaça odiaru ni turu nguê punda nome unw. ¹⁰E só nguê ka sofré, e ka ngama ótó, e leva ki ótó. ¹¹Ió fasso profeta ka lata e ngana yó nguê. ¹²Ola mali ka motxi, amolé de yó nguê ka fia. ¹³Magi ixi ki guenta até é loké, vira. ¹⁴Evangelho de leno ka sa faró ni turu nga mora testemunho de turu povo só fim kabi. ¹⁵Axié, ola sê ka bé abobinason kua kuin ki Daniel ta fa ma profeta sa ni nga sagiado(nguê ka lê ra intendê), ¹⁶Ixi ku sa judeia fuji banda ba montxi, ¹⁷Ixi ku sa ni teraso na tuka pa tua néwa kua ku sa ni kai, ¹⁸Ixi ku sa ni mevia na tô bi pa tua kapa rê wa. ¹⁹Maji ai de mengai ku sa ku bega, ixi ku sê ka mama ni diéé. ²⁰Ji lason pa sê ki ka fuji na ka sa ni invernu ô ni sabaru. ²¹Punda é ka bi tê mémé aflison, mora kua ku nansê ixistiwa jina komesu di mundo até aié, é na tô tê wa. ²²Xi ane dia é na ka sa vizaru wa newã nguê na ka sava wa, punda ane ta koiêru, dia é é sa vizaru wa. ²³Aié, xi kuali keru nguê fa sê: Ia klistu ingué! Ô, é sa klistu! Na kêlê wa. ²⁴Pundafasu klistu ku fasu pofeta kabi plezenta meme xinali ku maravilha pa ngana, xi é da até ane koêru. ²⁵Aié aun fa sê antiji. ²⁶Sô sô sô, Xi ane fa sê, aié é sa ni dezertu, na xiê wa, ô, é sa ni lêtu kai, na kêlê wa. ²⁷Punda axié mora miêmia ka xiê de oriente ka iêrê até osidente, axié na home sê ka bi. ²⁸Nga sa ki motxi, ingué ka bisu. ²⁹E aie sô aflison dia xiza, solo ka kulu, têtêmbu na ka tô luzi wa, ketembu ka kiê ni onse, ane porê onse ka sa abalaru. ³⁰Antó wã sinalé na di homé ka placé ni oncé turu la lassa tia ka gó e kabé na de homé kabi diba nuvem ni oncé ku puré e goia ngairu. ³¹È ka manda ané anjo ré ku mémé barulho de trombeta, ené ka zunta ane koiéro ré ni kuana vento de tia di wã e ótó kiba. ³²Konsé veso de figueira axe mora oné tongó ka mura ka té fia sé ka ta ki véron sa peto , ³³Axé mé, ola sé kabé turu kué, sé ka tá ma elé sa peto ni potó. ³⁴Veremé nga fa sé ki gelason xiê na ka la wa, sé ki turu kué sa darú. ³⁵Onsé ku tia la, magi lumba un na ka lawá. ³⁶Magi, ni respeito ni ria e hola é, newã ngue na katawa,né ené anzo oncé, ne magi pai só. ³⁷Axé mora ria noé foi, axé te sa ma na homé ka bi. ³⁸Punda ni ria é antigo dulúvio, ané ta ka mé, ka bebé kasa, tó kasa dingui, até ria má noé letxa ni arca, ³⁹Ané na da konta wa, até ki diluvio bi e ki turu ané axé té sa ma na homé kabi. ⁴⁰Anto dousu ome ka sa mevia; wha ka be; so oto ka ka sa desaru. ⁴¹Dousu mengai kasa ka pisa ni makina, wha re ka sa tuaru , oto ka sa desaru. ⁴²Aié zongo, punda non na ta ria ma Sum sê kabi wa. ⁴³Sê ka ta kué: xi dono kai ka ta ola ladron ka bi, é ka zonzo pa é na desa pa kai re sa bagaru wha. ⁴⁴Aié se toka te sa pepararu, punda Na Ome ka bi ni ola ma se na ka warawha. ⁴⁵Aié, nge sa sivorô fieli ku sebé, ma Sum dêsê sefi di ene na kia, ku sinturu ri ra ane mè ni ola setu? ⁴⁶Feliji sa sivorô xi ma Sum rê ka bi bê zi kua buaru ola é ka bi. ⁴⁷Vereme nga fa sê : Sum rê ka pê diba turu kua ku é tê . ⁴⁸Maz xi sivorô ixi mau fa ni kosó rê: Su um sé ka langa! ⁴⁹So komesa ka beta ni ane sivorô, ka mè ka bebê ku ane beberô; ⁵⁰antò Sum ri sivorô ka bi ni ri ma é na ka whara so ni wha ola ma é na ka ta wha, ⁵¹é kotê ndjigi sô karê mora distino ku ane finziru, inge ka te sua ku mê detxi.

25

¹Sô Goveni Desu sa mora kuine na mosa ku, tua toxa rê siê ba lelê dadu rê. ²Tanó ané ta malokô tanó supetu. ³Ola maloko tua toxa rê, é na bekuê wha. ⁴Ma supetu biku doma mazi ku toxa. ⁵Sô dadu é langa, turu ane ta ku sóno sô ne dumi. ⁶Sô mea-notxi ane ndê Nguita: Ya dadu ô, bi lelê. ⁷Sô turu ane lata yerê toxa. ⁸Sô maloko fa supetu: Dano txo mazi sê punda toxa nón sêka paga bêrê. ⁹Sô supetu kundji ane fa: non na tê mazi ku ka siga non tô siga sê wha, ba lelê nkenu ku ka bendê mazi ba kopé ra sê. ¹⁰Sô ola ane ba kopé, dadu é vitxa, sô isi ku ta plontu békuê fesa kasamentu só póto fisa. ¹¹Ta sô ane vitxa sô fa: Sumbê, Sumbê biri póto ra non. ¹²Sô ê kondji fá: Nga fa sê veré ma na ta sê wha: ¹³sô ka zongó punda sê na ta ola wha. ¹⁴È sa mora whã omé ku ta kuazi pê ba otô tia, È sama na kia rê pa ane tua konta likêza rê. ¹⁵Whã é ra tanó kontu, otô é ra dosú, sô otô é ra whã kontu. È ra kara whã de mora ma é ka poy kuê, sô bêre viaji. ¹⁶Sô isi ku tua tanon kontu ba zi nogôxo é tô zi tanon kontu. ¹⁷Mora é mé ma ku tua dosú tô zi dosú. ¹⁸Mazi nkenu si ku tua whã bé ba biri kobo són kondê lelú ome-é. ¹⁹È langa, xefi na kia é tóbi zi konta ku ane. Na ²⁰kia ku tua tanon kontu bi ku otô tanon kontú. ²¹Mése rê faré: Sa bua, na kia buaru ku ka zi buaru! bô zi buaru ku pokô kua, nga tô ra ô masi. Letxa leguelá ku mése ô. ²²Sô isi ku tua dosú kontu fa: Mése é bô dan dosú kontu. tô, ya dosú kontu. ²³Mése rê faré: buaru foga wha na-kia un sa buaru ku pokô bô zi buaru, nga tô ra ô masi. Letxa leguela ku mése ô. ²⁴Sô ysi ku tua whã kontu fa: Mése é, un ta ma bô sa rizu foga wha: bô ka koyê ni nga ma bô na kuna wha. Ka zunta ni nga ma bô na whanga wha. ²⁵Un, ta ku mendu só mba kondê talentu ô kosi mavu. Ya ku sa di-ô ynguê. ²⁶Mazi Sun rê kundji, fa: Ná kia mafé pliguisoro, bô ta ma nga koiê ni nga ma na

simia wha, ma nga zunta ni nga na whanga wha. ²⁷Milhó bô ka ra ane nkenu ku ka tloka lelu olá nga bi nga tué ku juru. ²⁸Sô txia lelu mon rê da nkenu ku tê kuin. ²⁹Punda turu nkenu ku tê masi a ka tô ré masi sô ê ka sakuê motxi. Sô isi ku na tê netxó wha atê ma ê tê a ka txié. ³⁰Kolê ku na kia máfe ba kulu nha ka tê sua ku detxi mé. ³¹Sô ola Ná ome ka bi ku porê ku turu anzu kuê ê ka tason ni tlonu rê. ³²Kota rê ka zunta turu nkenú tia, sô Ê ka бага nkenu wha ku otô. Mora pastoru ka бага ombô ku bodji. ³³Ê ka pê ombô mon leton rê pê bodji mon sikeru. ³⁴Sô Alê ka fa nkenu si ku sa mon leton bi, kuviraru Táta Un, lera Govenu ma a bá pepala na tia fô tia. ³⁵Punda un ta ku fome bô ra un mé: Nta ku seri bô rân bebê, nsa nkênu ku bi bô pê un kai. ³⁶Un ta unu bô rân kabisi, un ta ka doetxi bô ba kula un: Nta pezu bô bi pia un! ³⁷Sô Zustu ka bi kundji fa. Mése ê kêria ma mbê ô ku fome ma ma un ra ô mé! Ô ku seri ma nra ô aua! ³⁸Y kêria ma mbê ô bi ma mpê ô kai! Ô unu ma mbisi ô! ³⁹Kêria ma mbê ô ka duetxi ô pezu ma non ba pia ô! ⁴⁰Sô alê ka kundji ane: kua veré ma nga fara sê ma, si sê zi whã ná mon masi txó kua é-é sa sê zió ra Un. ⁴¹Sô ê ka fa isi mon sikeru: Fô kota un, sê mafé, ba fogô ku na ka paga wha ziru ra demóno ku anzu rê. ⁴²Punda nta ku fome bô na ra mé wha: nta ku seri bô na ra aua wha, ⁴³mbi, bô na pen kai wha, Nta unu bô na bisi un wha, nta ka doetxi pezu bô na puta nova un wha. ⁴⁴Sô ane turu ka kundji, fa: Mése ê, kêria ma nón bê Sun ku fome, ô ku sêri, ô ku bi ô unu, ô pezu ma non na sivi Sun wha! ⁴⁵Sô Ê ka kundji ane: Kua Nga fa sê veré, ma sê na zi whã na pikina Un, sa a Un ma sê na zió ra wha. ⁴⁶Yé ka ba kastigu atê atê mazi Zustu ka ba vira atê atê.

26

¹Só e da kua olá Jizu ndja turu ané lumba, E fá ane melo Re: ²Seta ma diingue ni dousso ria kabi sa Passicua, i na di Omé kussa daru pa pe kussa. ³Antó ene chefi sacedoti i ene ancion do povo zunta ni palaxu di sun sacedote, kua a ka sama kaifas. ⁴Konderu, ane ta pensa manha Jizu i mante E. ⁵Magi ane fa: Na sa ola fessa wa, pa a na lata demanda ketxi de povo wa. ⁶Jizu ta ni Betania, ni kai di Simon, ixi leproso. ⁷Olá e ta tassoru ni mesa wa mengai bi Lele bi ku wa dona alabastro ku pufume karu fogawa, so bague ni diba ne Re: ⁸Magi ola ma ene melu be kuéé so ane kita to fa: kual lazón pa dana kue. ⁹So pufumie toka sa benderu pa wa lelu buaru pa da ane plobli. ¹⁰Magi Jizu, bi ta kuae fada ane: Punda kuai se ka traza mengai e. E zi wa kua buaru da un. ¹¹Semple pobli sa ku sé, kagi simple se na te a unwa. ¹²Punda ola e lukua pufumie diba ongue un, e so zi kue pa mothi un. ¹³Vereme aun nga fa se nga ma vangelho xie ka sa faru mi turu mundu, kua ixi ma mengaie zie ka sa tangaru ni leblança re. ¹⁴Antó, wa ane kuin dousso ma a ka sama Zura escarioti, ba ane xefe sacedote. ¹⁵Só fa ane: Kua ma se ka ma um se un da se ele. Ane pesa trinta muera di prata pa ele. ¹⁶Ni aie ba ue, E ta ka ngolo wa moro pa da ané. ¹⁷Ni pimelo ria di npo asmo, maielo bi kota Jizu so fá: Andgi bo mece ma a ka prepara me de Passicua Ra o: ¹⁸Ê fa: Be ba posso ba setu ome i fa de: so Messe fa: ola un savitxa. aum sa kazi passikua ni kaio ku ane maielo un. ¹⁹Ané maielo zi mora Jizu xina ane so zi me de Passikua. ²⁰Olá nsuku vitxa E tasso pa me ku ane kuin dousso maielo. ²¹So ola ene ta mé, fa ane: Veremé aun nga fa sé ma wa se kabi nganaun. ²²Ané ta ki io dolo so kara wa ta punté; setu me e na sa uwa sun. ²³E kundji : nguéki ka pe ku aun mon ni patu ixié ka nganau. ²⁴Na di Omé ka mue mora e sa sichicarú sobre Ele. Magi aie dingue ku kazi na di Omé sa nganaru. ka sa buaru pa ele na toka nassewa. ²⁵Zura, kuka bi ngane fa: E sa un Messe. E kundji: Bo so fa. ²⁶Olá ta me, Jizu tua npo o da bensson o cote so patxie da mielo re. fa: tue, me Ixie sa ongue un. ²⁷Antó E tua so da glaça, da ane fa: Bebe Hue, turuce. ²⁸Punda ixié sa sangui un so sangui de Aliança ku sa lukuaru pa io ngue da peron de pekaru. ²⁹Magi Aun nga fa sé ma na ka tô bêbê dinguiwa unkê vidlirawa, ate ria ma un ka to bebe dingui ku se ni Lenu de Pai un wa. ³⁰So di ane canta unwa vungo, ane xie pa ba Monte di Oliveiras. ³¹Anto Jizu fa ane : sun ku é turu e ka sintxi mali punda kua un, punda e sá sixikaru: Aun ka firi pastoru i ane ombó de ubua kasa wangaru. ³²Magi so ola Aun ka mue kora, nga kie ue di se pa ba galileia. ³³Peru fa de: Anda ma turu ane ka sintxi mali punda kua o, aun na ka sintxi maliwa. ³⁴Jisu fa de. Veremê nga fa o, ma nsuku xie, antiji ma galo ka kanta boka nega aun texi vê. ³⁵Peru fade: Mesmo si e sa muê kiô, na ka negaó wa. so mora é turu ané maielo fa. ³⁶So Jizu bé ku ané ni unwa nga samaru Getisemani so fa ane maielo: Tasso ingué na aun kaba ingue ora. ³⁷Ê be ku Peru i ane doussu na di Zebedou kue, komessa ka sintxi tristi so ku dolo. ³⁸So fa ané: Alima un sa xatiaru fogawa atê motxi. ta ingué ku un so zongoku aun. ³⁹E to baue txo wa poco, Penpuna re ni son, i ora. E fa: Pai un si é sa possivel la di un kasi xie. Entrtanto ma na sa mora aun desejava, magi mora Bô deseja. ⁴⁰Ê bi ane maielo re so taka ane dumiru, so fa da Peru: Kuai, bo na poi zongo ku aun ni uwa hola. ⁴¹Zongo so ora pa o na letxa yentaçon. Sô supito de veré sa prepararu, magi kani e sa flacu. ⁴²E afasta txo wa sengunda vêji pa ora e fa: Pai unsi e na ka dawa ki kasse xie lawa, se pan un bebewa. seja feta vontê ô. ⁴³Ê to bé machi wa veji so taka ane ka uni, punda ue ane ta demaru. ⁴⁴Antó e dessa ene dingui, saiatho so ora ni tessi veji, fa ana mora lumbae. ⁴⁵Só Jizu biléé ané maielo so fa ene: sa dumi so dicança anda. Pia, so hola sa peto so na di Omé kasa daru ni mon de pekaru. ⁴⁶Lata se beno. La ma ngue ka ngua na sa peto. ⁴⁷So E ta fa anda, zura, wa ane kuin dousso zuntaru di wa meme multidon vitha ni kiba di ane xefi sacedoti i ancion de povo, vitx ku supara ki macete. ⁴⁸So Omé ki ta pa ngana Jisu ta da ene wa xinali fa: Ngue ma un beija sa ele. Manhe-é. ⁴⁹Welewelemé, e ndu ni Jisu só fa: kuma e, messe só de bejo. ⁵⁰Jisu fa de. Migu, zi kua ma o bi zi Antó ane to vutxa, sende mon ane diba Jisu i manhe-ê. ⁵¹Só ma wa ene ku ta ki Jisu sende mon re saia katana, o firi a nakia di sumu sacedote kote oidia re ta. ⁵²So Jisu fa de: Pe katana o digui ni nga re punda turu ngue ka te katana ka mue ni katana. ⁵³Na ka pensa ma un kapo nguita da Pai un, i E ka manda machi di kuin dousso legion de anzo. ⁵⁴Magi antó ma mora Blibia ka kumpri, ma ata fa setu ma kua kaliba. ⁵⁵Ni hola e, Jizu fa da multidon, sebi ku katana i manduku pa manha um mora wa ladron. Aun ta tassoru turu ria ni ngueza ka xina se na manha wa. ⁵⁶Magi turu kue da pa ki ane kua xiqueveru de profeta kassa kumpliru. So baue, turu ane maielo dessé só fuzi. ⁵⁷Ngueixi ki manha Jizu so bekue da Caifas, ni sumo sacedoti, nga ene escriba i ane ancion ta zuntaru. ⁵⁸Magi Peru Lelé E di lanji oté salon di sumo sacedoti. Letxa i tasso ku ané nguara pa pia kua kara. ⁵⁹Ane sefi sasedoti y turu ane Sinedrio ngolo whã faso seseminha kontla Jizu, pa pô kondené Ê da mothi.

⁶⁰Ane na bê né whã wha, mesmu ku yô fasu seseminha ta pezenta. Sô masi ngosi, dousu bi ni whê. ⁶¹sô fa: Omé é fa: Mpoi бага нгѐза di Dêsu so lume ni tesi ria. ⁶²So sumu sacerdote lata so fa Dé : Bo na te resposta wa; kua ixi ma se ka sectemunha kontla o. ⁶³Magi Jizu ta fessa kaboka pipipi. o sumu sacerdote fa De: Aun ga manda punda Dessu vivu fa no se bo sa Clisto, Na di Dessu. ⁶⁴Jizu kundji ene. Bo fa pa o me. Magi aun nga fa o di aie ba ue bo kabe na di Omé tassoru ni kiba gletto de todo Poderoso, kabi ni diba nuvé di once. ⁶⁵Antó so sumu sacerdote taia cabissiré ta i fá: E te fa mali, Punda kuai non sa precisa sestemunha anda. Se nde mali. ⁶⁶So ma pensa; Ane kundji so fa: E sa merecedor de mothi. ⁶⁷Ane kupi ni polo Re De ki kua De suru, ⁶⁸ene fa: fadanon, Clisto. Ngei ki firio. ⁶⁹So Peru ta tassoro ni borro di lua ni salon wa na kia bé ate ele so fa: Bo també tava ku Jizu di Galilei. ⁷⁰Magi e nega ni ue turu ane, fa: Aun na ta kua ma o sa fa wa. ⁷¹Olá é xie ba ponton, oto na kia so bé fa ene ku tava ingué: Omee te també tava ku Jizu di Nazaré. ⁷²Só e nega dingi ku wa zula: Aun na konse Omee wa. ⁷³Te pouko so, nge ki tava nhabi so fa da Peru: sa seto, bo tambe sa wa diane, punda mora de fao ka kuza o: ⁷⁴Anto é komesa ka maldisoa so te zula: Aun na konse Omé wa i welewelemlw wa galo kanta. ⁷⁵Pedru lembla de lumba ma Jizu ta fé: Antiji di galo kanta, bó ka nega un tessi veji. Anto e ba boro so sua ki io dolo.

27

¹Olá pómonha xiza turu sefi kia Desu i ancio di pôvô zunta fa malijizu, 'pa mata Jizu. ²Ané manha Jizu, bê kuê bá vega dá Pilatu, Govenador. ³Antó Zudá kua tava pensa mali ré bé mora ma fé Jizu, é xintxi xaru di remosu, é tlega tlinta moleda di pata ra ene sefi kia Desu ku asió. ⁴Só é fá ané hun peka angana sangui nosentxi. Mas ané fá: Kua má nó tê ku kua é? I sá ku bô. ⁵Só é zuga jimola di plata ni kia Desu, xiê só bá foga virá rê. ⁶Ané sefi kia Desu té muera di plata: é na sá buaru pê muera zuntu feta, punda é sa pesu di sangui. ⁷Ané pensa zuntu kua é ka fé ku lêlu, ané tua lelu é kopa uã mevia di olelo pa ané tia otô nkenu. ⁸Punda kua xi é, até ozé mevia é a ka samé mevia di sangui. ⁹Antó kumpli kua ma pofleta Jeremias ta fa: "ané tê tlinta muera di pata, pesu má ané pôvô israel pia da Jizu. ¹⁰Ane ra ku é mevia ré olelo, mora ma Sun fa. ¹¹Antó Jizu tá wê govenaró só govenaró punta Jizu: Bô sá Alé ri Zurê? Só Jizu kundji: Bô fé sá. ¹²Magi ola é bé akusaru di sefi kia Desu ku ansió ni uã kua éna kundji wa. ¹³Anto Pilatu fá Jizu: Na ndé turu kua ma fára ô? ¹⁴Magi é na kundji niuã kua wa, i axi govenaró fika dimiraru. ¹⁵Ni fesa ané, govenaró sá kustumaru ka txia né plésu uã nkenu koiê eró di yô nkenu. ¹⁶Ria xiza ané tia uã nkenu ni plesu ma yô nkenu konsê, a ka samé Barrabás. ¹⁷Antó ané ta zunta, Pilatu fa ané: kuali nkenu nasé mesé pa hun txia? Barrabas ô Jizu ma sé ka sáma Klistu? ¹⁸Punda ané tá tá ma ané tlega Jizu punda wê xá. ¹⁹Olá ma ané ta tasoru né tribunali, mengai Pilatu manda fé uã kua: Na leta nê kua da Zustu é wa; punda óze, a ma sonha a hun padesê punda respetu homé sé? ²⁰Ané sefi kia Desu fá ku ansió kovensé yô nkenu pa pindji Barrabas, pa mata Jizu. ²¹Só govenadó punta ané: "kuali ané dôsu é ma sê mé sê pan pô txia? Ané fá: "Barrabas". ²²Pilatu fá ané: kuali ma nga a hun ka pê dji ku Jizu, ma ka Sama Klistu? Turu ané kudji: "Pê Jizu ni kussu". ²³Ê fá ané: "Wa mali é fé? Magi ané glitá maxi fotxi: "Pê ni kussu". ²⁴Antó ola Pilatu be mé na wa poi ji ne wa punda é sa komesa tumultu mó é tua ama laba more mé pôvô i é fa: hun sá nosentxi di sangui di homé iê sa wu sé". ²⁵Turu pôvô fá: "Wué sangui dê wa wê diba no hun na nó". ²⁶Antó ané sotá Barrabás, magi é bata Jizu é pê kussu. ²⁷Antó ané sóré é govenaró beku ku Jizu letu pesu, zuntu turu sóré. ²⁸Ané tia nabisi é a pé uã mantá boboru né yô nguê rê. ²⁹Antó ané ji korua dê pinha i a pé té ré. Vanhã axa moré direti, i ané pe puna só we rê ji poco rê fá: "Sava, Alê di Judê". ³⁰Ané tá wu pi, ané tua axá di wê tê. ³¹Ané ji pokurê, tiê manta voborô. Bixiê kabirê popê kabirê, i ané pé kussu. ³²Olá siê ta ká hun, homé di Sireni ka sama Simon, a obriguê ka kega kussu. ³³Ané visera wã ka sama gogata ka signifika: "Uã da kaverô ". ³⁴Dê vin zuntaru ku feli, olá é póvé é na kia bebêwa. ³⁵Olá má kusifikê, a paxi kabisirê, zuga sotxi, ³⁶ané tá só nguê ka vijia. ³⁷Ané pê diba te rê fa ka ku sa skeveru: "SÊ SÁ JIZU ALÊ JUDÊ". ³⁸Dôssu ladron bá kussu kuê, uã mó letó otô mó skeru. ³⁹Nguê sa passa ka fá mali rê zombá té. ⁴⁰Só fá. "Sava virá ô mé. Se ô sá Na Desu dêsê kussu". ⁴¹Morê mé ané principi sasédoti sê ka ji pôvô rê zuntaru ku escriba i ansion fá: ⁴²"Ê sava otô, magi é na ka poi sava Elê mé wã. Ê sa Alê di Israel"! Aie desê fô kussu i nó ka kêlê ni ô. ⁴³Ê kufia ni Desu; ki pesu ka tiê amé xi é mesé buaru punda é fa: "Anó sa ná dôssu". ⁴⁴Ané ladon ku ta kussu kuê turu fa malê. ⁴⁵Na sama nó olá até uva wê kulu tua tia, ⁴⁶olá é xiga uva Jizu klitá ku voji fá: "Eli Eli sabactani?" ku ka fá: Desu bé, Desu bé, punda kai mó legawanda?" ⁴⁷Olá nkenu ku ta ru á munjaru tenderu ané fá: Ê sa sama Elias". ⁴⁸Só ma ané kolê tua ma pondja sia di vinagui, coloka ni ponta di kua ndji kana di pê bêbê. ⁴⁹Só otô fá: "Desé só, beno pixi si Elias ká bi savé". ⁵⁰Antó Jizu gita ding voji atu trega su supitu. ⁵¹Só véu ku sá kia Desu taia dôssu pagi ponta a ponta é tia temé, roxá ndga. ⁵²Só ximiteli biri, é wog ongi di santu ki muê tô kora. ⁵³Ê né fô ximiteli olá ané kora é ané leta poson santu wig zunta. ⁵⁴Olá ané soré ku tia guará Jizu bé tia ka uluka kalu se kabi fixa ku yô mendu fá: " Veré vere mé sa na di Desu". ⁵⁵Yô mengai ki sigui Jizu ndna a Galileia pa ô siviê ta nhã, ka pia di lond. ⁵⁶Ané sá Maria madelena; i mé di Tiago e José, i mé di na di Zebedeu. ⁵⁷Olá virá gos ebi né Arimateia homé liku, ka sama José ki sá maiêlu di Jizu. ⁵⁸Ê xiga wê Pilatu é pidji ong di Jizu. Antó Pilatu manda pa rê. ⁵⁹José tuá ong ré buê né má panu limpu di maiêlu. ⁶⁰Só pê ni ximiteli novu, kia tia kabaru ni roxa. Só é bila menu buru ni wê ni pôtô di ximiteli só é berê. ⁶¹Maria Madelena i otô Maria tava rá tasoru ne me siprocu. ⁶²Otô ria ku ka fi pó pepará ané principaru sacerdoti é ané fariseu, zunta ku Pilatu. ⁶³Ané fá: "Sumu é fá no kê ria govenarê é kakora, é fá: Ni texi ria, hun ka ressucutá. ⁶⁴Ai pê guará ni ximiteli di vija até texi ria, ô ané maiêlu pô bi, ané futa ong rê; Ê kora né moxi i untinru xidig ka sa maxi piolu dô kê pimelu. ⁶⁵Pilatu fa:" bê ku guará, da fika guararu ximiteli buaru. ⁶⁶Ané bé zunta guará nê ximiteli, fika pôtô desê nhã ku guará.

28 ¹Ngixi de sabaru, na dia wã de somana Maia Madlena ku ôto Maia ane banha ba pia supuku. ²Ma Ana dé wã sairu teramotu, E tó wã anzu sumu da se ni Onse: Ê bi tô bila ni diba buru taso dibarê. ³Mora rê sa mó relampagu ku kabixi

re turu, ziaru mora neve. ⁴Ane kuara fika ku mendu ka kôkô mora guê ma. ⁵Sô anzu, puté ni kuai, Ê fa: na mendu wa. Anto sia jizu, mo te kusu. ⁶Ê na tô sa ingué wa, maji ê muê mora me ta fa, bi pia ligué m sun ta ne. ⁷Bé djan djan ba fa ane maiêlu rê: Ê muê tô kora ni motxi. E ka bi wê sa ba galilêia, inxa sê ka bi mora ê ta fa. ⁸Ane xiê seru de ximinteli ku mendu ku gosto, kolê ba fa ane maiêlu rê. ⁹Sô jizu ta katxi ane tô fa: saudason: Ane menja bi du zuntu rê dame operê tô adoré. ¹⁰Sô jizu fa ane. Na mendu wa bé ba ane na mon pa ane ba galilêia ane ka bê un. ¹¹Ala ma ane ta ka bê, ane guara ba poson ba fa xefi de sasedote turu kua ma ane bê. ¹²Sô ane sasedote zunta ane ansion pensa wã kua, Ane wã lêlu da soré ¹³fa ane: Fa: ane maiêlu bi suku, tua onguêrê ala non ta ka dumi. ¹⁴Xi kué xiga oria govenadô, newã kua na ka da ku sê wa. ¹⁵Ane tua lêlu, ji mora ma fa ane. Kué sa katxi antê aié. ¹⁶Ane kuine wã maiêlu rê ba galilêia, lugê ma jisu fa ane. ¹⁷Ala ma ane bê ane adore; ô tô ane na kêlê wa. ¹⁸Jizu ba lêlê ane fa: Turu porê un sa kuê ni Onse Ku Tia. ¹⁹Sôsôsô sê ka bé zunta nguê de turu nason, batiza ane ni nome Pai, Filho, Supitu Santu. ²⁰Xina ane ka guara turu ma un fa sê pa sê ji. Aun sa ku sê turu dia antê turu kua ka lokê.